


सानसेयारि "बड'सा" खरीलाइयाव
समाजयारि जिउजो लोब्बा थानाय रायथाय, रन्थाय,
सल', सल'बाथा आरो दावबायारि थावनि, पार्क
बाइदिनि सायाव लिन्नाय लिन्निदां देथाय हर/
सानसेयारि "बड'सा" खरीलाइया सेबरानानि
फोसावगोव।
बड'सायाव लिन्नायनि दुबा खालाम,
"बड'सा" खरी नोथां, जो बयबो आंगो खालाम।

सानसेयारि बड'सा मावखुनि
माइबं नोगोर, जोहोलाव दैमालु लामा
कक्राझार, बितिमि-783370
Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Tuesday ★ 19 October, 2021 Kokrajhar, BTC, Assam ★ Vol.- 31, Issue No. 202 ★ R.N.I.Regd.No.40994/91, AssamGovt.Regd.No.IPRD.40/2006/13,★Rs.8/-

बासुगाव प्रेस क्लाबआव काति गासा फालिदों



बासुगाव, 18 अक्टबर:
आसामनि हरियारि फोर्बों बिहु
एबा बैसागु। बैसाग दाननि
रडली, कातिक दाननि काति
गासा आरो माग दाननि मागो
दमासि, बे मोनथाम बिहुनि
गेजेराव दिने काति बिहु एबा
काति गासा फोर्बों। बे काति
बिहु एबा काति गासा सावनाय
(□ 5 बिलाइआव)

तामुलपुरनि भारत- भुटान सिमनानि काउलीयाव मैदेरनि उतखार



तामुलपुर, 18 अक्टबर:
हाग्रा ओन्सोलआ गिखंथाव
महैर जोबसां लांनायनि
जाउनाव रइज्योनि गुबुन गुबुन
ओन्सोलफोरजों लोगोसे
तामुलपुरावबो हाग्रानि मैदेर
आरो सुबुंफोरनि गेजेराव
सोमजिनाय मोगा-मोगनि
जाथाया बांबोने हमदों। आदार
नाग्रिनानै भुटान हाजोनिफ्राय
(□ 5 बिलाइआव)

उपेन्द्र नाथ ब्रह्म ट्रस्टआ 18 थि सुबुंथिनि फाइखि बान्थाखौ बे खेबाव डू अभय बांगनो गथायगोन

कक्राझार, 18 अक्टबर: बड'फा उपेन्द्र नाथ
ब्रह्मनि मुडे बोसोरफोमबो गथायबोनाय सुबुंथिनि
फाइखि बान्थाखौ देरलाय डू अभय बांगनो
गथायनो थाखाय उपेन्द्र नाथ ब्रह्म ट्रस्टआ थांखि
लाबाय। डू बांगआ महारास्ट्रनि गादसिर'लि
जिल्लानि जोबोद उन गोलैसोनानै थानाय
ओन्सोलाव जिउ खुनाय ट्रिबलफोरनि सुबुं
देहा जोथोन लाखिनाय आरो बिसोरनि मोन्थाय
फासै हाबा मावनानै बिहोमा होबोनायनि थाखाय
बिथांखौ ट्रस्टआ बे बान्थानि थाखाय सायख'यो।
बिथाडा ससाइटि फर इडुकेसन, एकसन एन्ड
रिसार्च इन कमिउनिटि हेल्थ (SEARCH)
मुनि मोनसे मुलाम्फा गैयै फसंथानबो गायसन्तानै
बिबान रुजुन्दोंमोन। (□ 5 बिलाइआव)

तामुलपुराव गन' सुरक्षा पार्टीनि बिसायख'थियारि मावख' बेखेवदों

तामुलपुर, 18 अक्टबर: दुर्गा फुजा फोर्बोंआ जोबखानायनि
उनावनो तामुलपुर बिधान सभा बियाबनि उफ्रा बिसायख'थिनि
दुहाव बार बासनायखौ नुनो मोन्दों। थानाय रबिबारखालि बेलासि
समाव आसामनि गिबि मन्थि डू हिमन्त बिश्व शर्माआ बिजेपि,



जिएसपि आरो इडुपिपिएल जुथाय दोलोनि बिजाथि इडुपिपिएलनि
जलेन दैमारीनि जानानै गोबां सुबुंफोरनि थुबुमनि गेजेराव
बिसायख'थिनि साखा-फार जानायखौ दिन्थिनानि उनाव कंग्रेसआ
हेफाजाव होनाय बिजाथि भास्कर दाहालनि जानानै प्रदेश कंग्रेसनि
बारग' आफादगिरि रिपुन बराया दाब-दाब जायगायाव मेल खुंदों।
बेनि गेजेरावनो दिने तामुलपुर महकुमा (□ 5 बिलाइआव)

गसाइगावआव साननै नाडै दावबायनाय हाबाफारिजों गिबि मन्थिआ नुजाथि फैदों

आशानि गायसनगिरि आफादगिरि जास्तिन लाखा आरो
बस्क' सेरमानक'नि मुंख्लं खाम्फायाव मान बाउदों

गसाइगाव, 18 अक्टबर:
साननै नाडै दावबायनाय
हाबाफारिजों दिने कक्राझार
जिल्लानि गसाइगावआव
नुजाथि फैदों आसामनि गिबि
मन्थि डू हिमन्त बिश्व शर्माआ।
आथिखालाव 28 नं. गसाइगाव
बिधान सभा बियाबआव उफ्रा
बिसायख'थिनि फोसावदिनाया
गोखों जादों। गसाइगाव बिधान
सभा बियाबआव बिजेपि-
इडुपिपिएल जुथाय दोलोनि
बिजाथि जिन् बसुमतारिनि
जानानै फोसावदिनायनि थाखाय
गसाइगावआव नुजाथि फैदों
होन्नानै मिथिनो मोन्नाय जादों।



हाबाफारि बायदिने गसाइगाव
नुजाथि फैदों गिबि मन्थि डू
हिमन्त बिश्व शर्माआ थोंजों

दुलाराइ आसाम आदिबासि
फरायसा आफादनि गायसनगिरि
आफादगिरि रंसारि जास्तिन
लाखानि तेलिपारायाव थानाय
थाखुलियाव नुजाथि फैदों
रंसारि जास्तिन लाखानि
फबनाय जायगायाव बिबार
मानबाउयो। गिबि मन्थिजों
(□ 5 बिलाइआव)

भबानिपुराव बिजेपिनि रइज्योआरि आफादगिरिआ बिसायख'थि फोसावदिदों

बे उफ्रा बिसायख'थियाव जुथाय दोलोनि हेंथाय
मोनसेबो बेरेखा दोलो गैया: भवेश कलिता



भबानिपुर, 18 अक्टबर: दोलोनि हेंथायै मोनसेबो बेरेखा
"आसामनि फैगौ उफ्रा
दोलोआनो गैया। कंग्रेसजों
बिसायख'थियाव जुथाय
लोगोसे गुबुन गुबुन राजखाथि

दोलोफोरनि बिफावआ जोबोद
लोरबां। गोहो गोलोन्दों जादों
बेरेखा दोलोया। फुटबल
मेचयाव बेरेखा हान्जाया
फैयाल्ला कमिउटा वाकअभार
होनाय बायदि जादों आसामनि
दर 5 बिधान सभा बियाबनि
उफ्रा। बिसायख'थिनि
बादायलायगोनया।" -बे
रोखोम बेरेखा दोलोखौ
सोंखारिनानै बिजेपिनि आसाम
(□ 5 बिलाइआव)

बिटिसि गोरोबथानि उनावबो जौगानायनि गोहोम गोलैयै जवारबिल गामियाव प्रमद बर'आ दावबायहैदों

गसाइगाव, 18 अक्टबर:
बिटिसि गोरोबथा जानायनि 17
बोसोर बारलानायनि उनावबो
जौगाथायनि जेबो गोहोम
गोलैयै गसाइगाव महकुमानि
सिडाव थानाय जवारबिल मुनि
दरसे सान्थालि गामियाव दिने
बिटिआरनि गाहाइ मावफुं
सोदोमा प्रमद बर'आ
दावबायहैयो। लामा-दालां गैयै
बे जवारबिल गामियाव प्रमद




बर'आ गामियाव नायगिदिहैयो
आरो सुलुक गोजोन बिद्यालय
फोर्बोंआव बाहागो लायो। बे
फरायसालिनि लांगोनायाव
खुनाय सान्थालि हरिनि दासाइ
फोर्बोंआव बाहागो लायो। बे
दावबायहैनाय समाव मुसि
बर'जों लोगोसे बिटिआरनि
मावफुं सोदोमा अरुप कुमार दे,
(□ 5 बिलाइआव)

बिसायख'थि आयगआ एगजिट प'लनि फोसावनायखौ होबथादों

गुवाहाटी, 18 अक्टबर: फैगौ
आसाम बिधान सभानि उफ्रा
बिसायख'थिनि एगजिट प'ल
एबा राइजो-राजाफोरनि
गोसोनि फोरमायथिनायनि
बिथायाव फोसावनो लानाय
बिसायख'थि फिथायखौ
सिगांग्रो फोसावनायनि बेलायाव
सुबुं थान्दै आयेन-1951 नि
धारा 126 नि सिडाव भारतीय
बिसायख'थि आयगआ मोनसे
फोसावथायनि सम सिमना
खानानै होदों। बे रोखोमैनो धारा
126 (क)नि उफ्रा धारा 1 नि
सिडाव भट आजावनाय सान
एबा 30 अक्टबरनि फुंबिलि 6
रिंगानिफ्राय मोनाबिल 7:30
रिंगानि गेजेराव एगजिट प'ल
फोसावनाय एबा सेबखानाय,
रेडिअ', टेलिभिसन बायदि
(□ 5 बिलाइआव)

भारतआव करना भाइरासनि सन्देरनाया 8 दाननिफ्रायनो बाडाय जाबोदों

गोदान दिल्ली, 18 अक्टबर
: हादतआव करनानि
केसफोराव लान्थियै खम
जानायखौ नुनो मोन्दों। थानाय
से सानआव करनानि गासै
13,596 गोदान केसखौल'
मोन्दों। बेनि जाहोनाव एक्टिभ
केसफोराव गोखैयै खम
जानायखौ नुनो मोन्दों आरो बे
अन्जिमाया आथिखालाव गासै
1,89,694 केसल' दसै। 230
सान एबा गासै 8 दानफोरनि
ओरैबायदि जादों, जेल्वा करनानि
गोदान केसफोराव ओरैबायदि



खम जानायखौ नुनो मोन्दों।
गोदान केसफोराव खम जानाय
आरो मोजां जानायफोरनि
अन्जिमाया बांनानि जाहोनाव
रिक्भारि रेटआबो गोखैयै बांदों।
आथिखालाव रिक्भारि रेटआव
बांनानै गासै 98.12 जौखोन्दो
जादों। बे अन्जिमाया थानाय
बोसोरनि मार्चनि लेभेलआव
सौहैदों फासैथि हादतआव 24
घन्टायाव गासै 13 रोजानि
(□ 5 बिलाइआव)

बेसेन बांनयखौ लानानै एजिपि दोलोआ गोजोन्नाय गैयै फोरमायदों

गुवाहाटी, 18 अक्टबर:
राइजो-राजाफोरा सानफोमबो
बाहायग्रा मुवा-बेसाद
बायनायनि बिथिडाव सरकारखौ
गाहाम राहाफारि लानांगोनि
थाखाय बारग' मन्थि एबा
एजिपि दोलोनि गाहाय नेहाथारि
कमल कलिताआ
खावलायहरो। मोनसे
बिसायख'थियारि फोसावदि
मेलयाव बाहागो लानानै
रडियाआव नुजाथि हैनानै
खौरंगिरिफोरनि सिगाडाव बे
बाथाखौ फोरमायो। लोगोसे
जुथाय हान्जानि दैदेनगिरि
बारग' मन्थि कलिताआ पेट्रल-
डिजेलनि बेसेन बांनयनि



सोमोन्दै बिबुंथि होनानै बुडोदि,
थावनि बेसेन बांनयनि
बिथिडाव राइज्यो सरकारनि
जेबो आखाइ गैया। बेनि
गेजेरावनो नसुंसे हादत
भुटानआव पेट्रलनि बेसेनआ
भारतनि रुजुनायाव खमसिन
होन्नानै खौरंगिरिया सोंथि
सौनायाव दैदेनगिरिया बुडोदि,
आसामनि थासारिया भारतनि
गुबुन राइज्योफोरनि रुजुनायाव
गोबां जौगाखां। मानोना
दिल्ली-मुम्बाइ बायदि
(□ 5 बिलाइआव)

सुजुगिरिनि खोलोम

बोथोरनि फाखन

बोथोरा फैयो आरो थाडे। सम सौफैयोब्लानो दैज्लां-मेसें, उदां-दुफां मोनसेनि उनाव मोनसे बोथोर फैनानै मिथिगानि महरखौं दान्दिसेनि थाखाय सोलायलाडे। बेनो बोथोरनि फाखन। बोथोर सोलायनायजों सुबुंनि जिउ डिडयाबो सोलाय-सोल' जालाडे बायदिसिना जाउन-बिजाउननि थाखाय। बोथोरा सम लायै सम मुं सोलायनानै फैयो-थाडोब्लाबो आथिखालनि समाव बोथोरनि महरखौं मोनसेयैनो दिदोम थानाय नुनो मोनफिना। एखनब्ला रनस्राव खरां जानाय बबेबा बोसोराव बेनि उल्था महर लानायबो नुनो मोननाय जायो। नाथाय सम फैयोब्लानो खौंऔया गाबफैखायो। बेनो बोथोरनि फाखन। सिगांनि समफोराव मोनसेनि उनाव मोनसे फारि-फारियै बोथोरजों गोरोबनानै सुबुंफोरा हाबा मावनो हायोमोन। अखा-दैनि बोथोर दैज्लांआव गायनाय-फुनाय, मेसें बोथोर सौफैब्ला आबाद फसल बोखानाय, बन-लाइ बुधुमनाय बादिनो गोजां बोथोरव गोजांनय, गोलोम बोथोरव दुंखावनाय-गोलोमनायखौं बोथोरनि फाखन होनानै सान्नाय जायोमोन। आथिखालनि समाव नाथाय बोथोरजों थासारिखौं गोरोबनाय नुनो मोनबालिया।

जौनि हादत आरो राइज्योआव आबाद मावनयनि थाखाय खोला-सोनाब मौसुमि बारआ मैखोम बिहोमा होफैयो। बे मौसुमि बार एबा अखानि थाखायसो जौनि हादत आरो राइज्योआव अखा हागलायफैयो आरो बेनि हेफाजाबैसो आबाद मावनयनि खाबु फैयो। बे मौसुमि अखानि बारआ थानाय माखासे साननि सिगांनो सा-सान्जा राइज्योनिफ्राय ऑखारलांबाय। बिब्दि समावबो अखा हानायनि गोसोम जोमै दाखिनाय नुनो मोननाय जादों। बोथोर नायसंगिरिफोरनि बादिब्ला बंगप लैथोयाव बारनि गाहाय नासिन्थायनि बिजाउनजों सा-सान्जानि राइज्योफोराव गोब्राब अखा हागोन होनानै सांग्रांथि फैदों। सान्नेसोनि सिगां गोखौं आरो रोजोब अखा हानायजों केरेलाआव बे बोथोरवबो गिख्रथाव दै बाना सोमजिदों। बे अखाजोंनो दुंखावनाय बिदुडव दावख्लायनाय फैनो हागौ होनानै सान्नाय जादों। आथिखालनि समाव बोथोरवबो हखाब सोलायनाय फैनो हमदों। बेनि जाउनाव एखनब्ला अबथिरा अखा-दै बाना लोमसावनाय, एखनब्ला अखा हायै खरां रनसरावनाय आरो बबेबा समाव निहिर थफा गोग्लैरोडे बोथोरनि थासारिया सुबुंफोरखौं खैफोदआव खोख्लैनो हमदों।

दिनैनि फानजामुधि

राशि बाइदियै मुंनि गिबि हांखो

मेष : अ ल बृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र बृश्चक : ब न धनु : ध भ (ड फ) मकर : ख ज कुम्भ : ग श (स) मीन : द च (ख ज झ)



मेष: नाड-फाड दावख्लायबायनो गोसो जागोन। रां खहा जानो हागौ। गोसो हमथानानै था।



बृष: दिदोम गोसोयै खामानिखौं मावलांनो हागोन। फारफ्रोमथिबो मोजां।



मिथुन: थाखानायनिफ्राय बांसिन दोहोन गोसार होनो हागोन। गोसोखौं गोजोन्नाय मोनगोन।



कर्कट: बाहायबाय थानाय मुवा बेसादफोरा जोबलांगोन। सांग्राडे बाहायनो नाजा।



सिंह: मानिबा थाखाय दुखु -दाहा सैनांनो हागौ। गोसोखौं हमथानानै सोलिनांगोन।



कन्या: मोजां रांगथिनि थाखाय मान मोनो हागौ। गोसोआव थुलुंगानाय फैगोन।



तुला: रंजानो गोसो दडबा बहाबा दावबायनो हागोन। दिनैनि सानआ मोजां।



बृश्चक: मानिबा थाखाय जिंगा सिनांनो हागौ। जेखियानो जाया गोसोखौं हमथा।




धनु: बहाबाफोर सौदाव सौसि जानो हागौ। जैरेबो सांग्रां जानानै थानांगोन।



मकर: मोजां गुन गोनांनि थाखाय सन्मान होजानो मोनगोन। गोजोन्नाय मोनगोन।



कुम्भ: सोरजोंबा माबाफोर बुंजाबायनो हागौ। गोसोआव दुखु मोनखंगोन। गोसोखौं हमथा।



मीन: बेराम-आजारफोरा जोबसंगोन। सावस्त्रिआ जौगानाय फैगोन। थासारिया मोजां।

फोलेर रान्नाय आदोब आरो बर' हारिनि जायगा

मुसि बिनय कुमार ब्रह्म

फो

फोलेर रान्नाय आदब बिन साधारण आखुफोरनि सायाव गुमुडे सावराइनाइनि उनाव बे आदबखौं भारतनि सुबुंफोरनि सायाव, बिशेष रोखोमै बर'फोरनि सायाव माबोरै बाहायदों बिन सायाव मोनसे सुंद' साइखं बोनो नाजानाय जाबाय। आगोलावनो बुंबोखानाय जादों इउर 'पीयानफोर सौफैनारनि आगोलाव भारतीयारिफोरनि गेजेराव फोलेरनि सोमोन्दै जेबो धारणा गैयामोन। बिन बदलै आर्य-अनार्य जाति जातिबाद, स'वा-सुति बाइदि बाइदि हिन्दु धोराम आरो सानस्रीजों सोमोन्दो खानाय माखासे बाश्राफोरासो दुलाराय भारतनि सुबुंफोरखौं बिसिनि सामाजिक आरो हारिमुआरि जिउनि बाइदि बिथिडव जोबोत गोहोम खोखेदोंमोन। बे बाश्राखौबो आगोलावनो बुंखा बोनाय जादों- 'आर्य बे सोदोबखौं सोदोमसि आरो हारिमुनि आदर्श हिसाबैसो गन्य खालामनाय जायोमोन। बे सोदोबखौंनो इराज मुगायाव फोलेर रान्नायनि मोनसे बिजों महर होदों। आर्य बे सोदोबखौं फोलेर रान्नाय आदबनि मोनसे बिजों महरै आजावनायावदि गोबां जेना दड बिखौं माखासे बाश्राजों आसि दिन्थिनानै होयो।

(1) Prof. Hotton नि (an authority on the study of caste in India) बाइदिल्ला so called आर्य सभ्यताया जोनोम मोनाइनि आगोलावनो जाति रान्नाय खान्थिया भारत हादोतआव दंखायोमोन। आर्य सभ्यताखौं बबे फोलेरनि मानसिआ गाइसनाइमोन बियो दासिम्बो बितर्कनि बिषय। तामहिनबा ब्राह्मन, क्षत्रिय, बैस्य आरो सुद्र बेफोर हारि रान्नाय 'बर्ण' प्रथानि धारनाया सिडवनो दंखायोमोन।

(2) हिन्दु पुराण-महाकाव्य फोराव राइखानाइ आर्य-अनार्य, सुर-असुर, देव-दानव, दैत्य-मानव बाइदि सोदोबफोरा फोलेर रान्नाय आदबजों माबाफोर बैज्ञानिक दौलिन थानो हागौ नामा बिनबो जों जेबो थार फिनाय मोनो थाड। पुराण महाकाव्य फोराव गोबां जाथाइफोर दड जेराव मोनसे पुरुषनि बंशधर फोरखौनो सोरखौबा आर्य, सोरखौबा अनार्य सोरखौबा भगवान, सोरखौबा दानव, असुर बाइदि बाइदि थाइलालीजों मुं सुदों। महाभारतआव राजा उग्रसेनखौं 'आर्य पुत्र' होनानै बुंनय जादों, बेरा फार्सेथिंजाइ बिनोनि फिजाज्ला कंसखौं असुर होनानै बुंनय जादों। थिक बिब्दिनो बंश आरो थैजों सोमोन्दो थालाइनाइ कृष्ण, बासुदेव मोनखौं आर्य मुडे मुं सुदों फार्सेथिं शिशुपाल जरासन्धु मोनखौं असुर मुडे मुं सुदों।

पुरानाव उल्लेख थानाइ वान राजानि पुर्ब-पुरुष हिरण्य कहिपु आरो हिरन्याक्षनि बिफा कश्यप ऋषिआ सासे ब्राह्मनमोन आरो बिन बिमा दितिआबो आर्य फोलेरनिनो सासे सिख्लामोन। माबोरै आर्य फोलेररारी बिमा बिफानि फिसाज्ला हिरण्य कहिपु आरो हिरण्यक्षआ असुर जाखो ? वान राजा आरो बिन बंसखौं किरात एबा मंगलियान फोलेर गुदि होनानै जारिमिना गनायदों। गुबुन फार्सेथिं जाइ दितिनि बिनानाव असे अदितिनि गोर्बोंआव ऋषि कश्यपनिनो बिर्य्यआव जोनोम मोननाय गुबुन सासे हौवासा गथ 'खौं भगवान ब्राह्मण अवतार होनानै गनायदों। तामहिनबा आर्य भगवान होनानै गनायजादों।

(3) हिन्दु धोराम बिजाबफोराव गले गले राइखांबाइ थानाय आर्य-अनार्यफोरनि गेजेराव दिन्थिनाइ बैबाहिक सोमोन्दोआबो 'आर्य' बे सोदोबखौं मोनसे फोलेर एबा फोलेरनि कनस्पेट हिसाबै आजावना लानायाव थारैनो हँथा। मानोना जाति रान्नाय हुदा थानाय आर्य समाज बेबस्थायाव मोनसे जातिनि सुबुड गुबुन मोनसे जातिनि सुबुंखौं जुलि लानो हानायनि उदांसि एबा खान्थि गैया। जुलिन बाश्राखौंथ, दोन, सामाजिक भाबै जालाइनाइ-लौलाइनाइ आरो मिला-मिसा खालामनायावबो गोरा बान्दो दड।

(4) भारतनि समाज आरो हारिमुआरी सोलायनाइनि जारिमिनआव औरैबादि गोबां जाथाइ नुनो मोनो जेराव ब्राह्मनआ क्षत्रिय जानाय, क्षत्रियआ ब्राह्मन जानाय शुद्रआ क्षत्रिय जानायनि गोबां बिदिन्थि दड। हिन्दु नडे गुबुन फोलेरनि मानसिफोरा सिन्थाइ हिन्दु धोरामखौं नाजावनानै जाति रान्नाय खलबनि गुबुन गुबुन थाखोआव जायगा आवग्रिनानै थानायखौं जों नुनो मोनो।

(5) 1990 माइथार्यनि थानाइ नभेम्बर आरो डिसेम्बर दानाव अरखिनि नैजिथाम आरो नैजिन्ने बिसानाव "सालायनायनि दाहारजों मोनसे समाज मुंनि मोनसे लिरबिदां ऑखारदों। बे लिरबिदाडव बर' गुदि फोलेर मानसिफोरा गोदो माबोरै समाज सोलायनायनि Orthogoneitic आरो Heterogenietic process एबा दाहारजों गावनि सिनायथिखौं खोमानानै हिन्दु धोराम आरो जाति रान्नाय खान्थि

जों बर्ण असमीया, बांगाली आरो माखासे मुसलमान जालानाइमोन बिनिसायाव गुवारै सावराइनाइ जादों। गोजौनि बाश्रानिफ्राय जों बिखौं हमनानै लानो हायो दि हिन्दु सानस्रीआव बाहायनाय आर्य ब्राह्मन आरो हिन्दु बेफोर सोदोबफोरखौं मोनसे गुवार आदर्श आरो बिनि दाथायखौं बुजायनो थाखाय enter changeably मोनथाम सोदोबखौंबो बाहायनाय जादोंमोन। इराज पन्डित आरो खुंगिरिफोरनि लिरनायाव बे सोदोबफोरखौं लागाम गैयाजासे बाहायनाइ नुनो मोनो। बिखायनो 'आर्य' बे सोदोबखौं मोनसे फोलेर आरो 'आर्य' सभ्यताखौं coucasoid फोलेर गुदि सुबुंफोरा गायसनाय सभ्यता होनानै गोल्लैयै आजावथावना नड।

बे बुंस 'हायै गेदेत बर' महारिनि सिनायथि जामख 'नायनि

जारिमिना माल्लानिफ्राय जागाय जेनायमोन बियो गोदान सुबुंफोरनि थाखाय मोनसे गिदित सॉलु आरो Challenge/Systematic खैसारजों पंगु जानाइ, गले गले जारिमिननि नंखाइ गाबजों नाइथावयै महर मोननाय मुलुगनि बबा जारिमिनआ बर' हारिनि गोदोनि गोबां रादाबखौं फोरमायथिनायाव गोहो गोलोन्दं। बर'नि गोदो गोदायनि गुबै महर मुसिनि सोमोन्दै मोन्दानो आरो मिथिनो जोंहा गोल्लै राहा गैया। खुगा मुथुनाय बर'नि बबा जारिमिना जेब्लासिम उदां खुगाजों गावनि गोदोनि गोरबमय गुबै जारिमिनखौं बेखेवआ अब्लासिम सुबुं सोदोमसिनि सिबि जाथाव सिरियाव बर' हारिआ जायगा मोन्दों होनानै गौरव खालामनो हानाय नड।

जारिमिननि दाहाराव समनि गात्रि नोजोराव बर' हारिया माबोरै बायगिलांनोंमोन जोंहा बिन थाखाय दुखु दड' आरो बर' हारिनि थाखाय बियो थारैनो दुर्भाग्य। नाथाय गोदान सुबुंनि थाखाय, बर' हारिनि थाखाय बेनो बइनिखुडबो देरसिन दुखु नड। बइनिखुडबो देरसिन दुखुआ बिसो-बर'नि सोदोमसि हारिमुनि गेरमसा जारिमिनखौं दालायै बिलायै बुखुनानै फोजोबनाया। बर' हारिनि थार जारिमिनखौं सुजुफिनाया बिनिसायनो दिनै साफ्रोम्बो बर'फोरनि थाखाय मोनसे गिदित प्रत्याह्वान। थिख बिब्दिनो बर' हारिनि गोदोनि डेमग्राफिक पजिसन आरो फोलेर रान्नाय खलबाव बिसोरखौं सायख 'नानै जायगा होनांगौ खोथायाबो गुबुन मोनसे challenge/Systematic मन 'लाबनारनि हां हां खैसारिआ बर' हारिनि थानानै थानायनि बादायलायनायाव दासिम्बो खिथुखौनो नागाराखै। नाथाय मोनसे बाश्राया थिक, -बर' हारिया जेब्लाइबो जोबनानै थालिया जौनि आखायाव गोबां बेसात गैयाब्लाबो नंखाइ गाबनि आन्दोयाव माखासे गोबां बेसात दड' जाइफोर बर' हारिनि गोदोनि नंगुबै गोथां जारिमिननि सोदोमसि हारिमुनि थार इसारा होयो। बायगिलाय जारिमिना स्पस्ट बुडे, नंखाइ गावनि आन्दोआ थानाय बर' हारिनि नंगौ फेनैसो बाश्राखौंनो फोलेर संनाइनि खाथियाव बुंनो नाजानाइ जाबाय।

हिन्दु धोराम बिजाबफोराव जैरे आर्य-अनार्यनि सिनायथिनि सायाव conflicting remark फोर दड', थिख बिदिनो गोदोनि बर'फोरनि demographic position नि सायाव इराज आरो गोदान जुगनि भारतीयारि पण्डितफोरा सायाव सानश्रहायै conficting remark होनाय नुनो मोनो। गोदोनि बर'फोरनि सुबुं दाथायखौं खालामनाय आरो बिन सायाव गेबें फोथायनाय लाबोनाया थारैनो मोनसे गिदित खामानि साप्राय्यबादि आमोलखौं फोथानानै लाखिनायनि गोनांथिआव इराजफोरा भारतनि हारि-महारिनि सायाव गोबां चिन्ता-चर्चा खालामदों मोन। थिक बिब्दिनो जात्याभिमानि हिन्दु पन्डितफोरनो हिन्दु महाजाति सोरजिनारनि खाथिराव बे मोनसे रोखोमनि खामानिखौंनो मावदोंमोन। बर' हारिखौं ऐतिहासिक भाबै पंगु खालामनायनि सिस्टेमेटिक सरयन्त्रखौं गुबुन गुबुन इराज लितगिरिफोरा होलांनइ चिंनि कनफिलकटि रेमाक फोरनिफ्राय रोखायै बुजिनो हायो :-

भारत हादोतआव बर' हारिनि गुवार थाथाइनि सोमोन्दै हाडसन चाहाबा होलांनय रिमार्कआ थारैनो मखजाथाव। बिथाड बुंदों- "They are still numerous in...and Matsiyadesha, that is Rongpur and lower Assam and Purniah extending to west as far as the 87° 45' of E longitude or the boundary of ancient Mithiala and east to 93° E longitude? बेनिफ्राय बुजिनो हायो बर' सुबुं गोसारनानै थानाय ओन्सोला दानि आसामनि अनगायैबो दानि बिहारखौंबो आवग्रिफायो। तामहिनबा इराजफोरनि समसिम्बो बे ऐतिहासिक बर' हारिया आसामनिफ्राय गेजेर भारतसिम गोसार द्लानानै दड'मोन।

दानिया बेवबो सानसुमैफोरनि गोर्बोंआव सॉलु फैनो हागौ बे एथ' गुवार जायगायाव गोसारद्लानानै थानाय बर' फोलेरनि गुदि सुबुंफोरा बहा बहा गोमोरलांखो ? बिन अरफिन्नाइखौं जारिमिनि गुबुन गुबुन बिथिं, समाज सोलाइनाइनि गुबुन तत्व, समाज हारिमुनि रुजुथायारी बिजितनाइ बाइदि बाइदि फोरनि जथाय नाजानायावसो बिन थार फिन्नायखौं मोनगोन। हार्डसन आरो हेमिल्टन चाहाबनि गुबुन मोनसे रिमार्क आ नाथाय थारैनो कनफिलकटि जैरे :-When the Koch under their great leader Haju expelled kocharis and established a dynasty which for two hundred years." जिगांसिनो गोनां बाश्राया बिनो कसारी आरो कस सोदोबखौं मा हिसाबै बाहायदों। जों मिथिनायाव हाजुआ गावनोथ' कसारी मोन।

इ.टि.डेल्टन आबो थिख बिब्दिनो परस्पर बिरुधि रिमार्क होदों, जाइफोर थारैनो सोमोनांथाव। जैरे : "Their linguistic affinities were supposed to be with the Mech Kochari...but they are distinguished from those tribe by darkness of their complexion"। आरो बिथाड बुंबावदों- "They (the Koch) appears to be equally out of their element among the Lohitic tribe.. it seems more likely that originally belong to dark people...who were driven out of Gangatic provinces, when kingdom of Mithila and Magadha was established. I consider they belong to the Dravidian stock."। बे खोथाखौं बुंया बिथाड बिगुरनि गावनि सायाव बांसिन गुरुत्व होदों। क'च फोरनि बांसिनानो गोसोमखाय बिसोरखौं बिथाड Dravidian Stock नि होनानै बुंदों। सिगाडवनो बुंखायाव जादों, मिथिगा आरो geographical position आरो

हारिमुआ देहायाबो गाव दानायाव गोहोम खोख्लैयो। मुलुगाव गोबां गोसोम बिगुरनि मंगलियान फोलेरारी मानसिफोर दड' जैरे, जाभा, मालय, मालानेसिया बाइदि बाइदि जायगानि मानसिफोर।

Magistrate Mr. Beam आ बुंदों पुरनियानि महम्मदान क'चफोरखौं देहानि गाव आरो दाथाइनि थाखाय मोनसे distinct फोलेर होनानै बिबेचना खालामखावजायो। G.Cambell आ बुंदों- "think we must allow that colour and phisical characteristics clearly separate them (Koch Mech) from the Bodo group though the people Pani-Koch doubtlessly belong to the Bodo family. जारिमिन anthropology, समाजतत्व, राव आरो हारिमुनि बिथिंफोरखौं गोथौयै नोजेर होयालासे बिब्दि साज्राडै होनाय रिमार्क आ थारैनो आजावथावना जानो हाया। गुबुन फार्सेथिंजाइ बिथां Buchanon चाहाबा गोबां अन्जिमा बर' मानसिफोरनोदि मोनसे समाव हिन्दु आरो इसलाम धोरामखौं नाजावनानै गावसिनि गिबि सुबुं दाथायाव खहा लाबोदोंमोन बे खौरांखौं सिमान जानानै औरै बादि बुंदों - "Those who declined to apostalyzed to Hinduism finding they were treated as vile, adopted Islam, thus mass fo Koch (kochari) became Mahmmadan and higher grade Hindus"

बे बाइदि contradictory बेसातफोरखौं बिथा खालामनानैनो उननि जुगनि जारिमिनगिरिफ्रा भारतनि आरो भारतआव थानाय गुबुन गुबुन समाजनि थाखाय जारिमिन सुजुयो। जाइनि जाहोनाव गोबां हारिफोरजों लोगोसे बर' गुदि मानसिफोरा दिनै ऐतिहासिक महरै नोरजिया जानानै मुलुगनि दरबाराव गसंथिनो गोनां जादों। जाइनि थाखाय बर' हारिनि गोदान सुबुड थानानै थानाय आरो identitycrisis नि हावहाव अरनि मोगा मोगि जानो गोनां जादों। बर' हारियासौभाग्य जारिमिनि बिखायाव औरै बाइदि साफासानै सानसुमैफोरबो मोनदों जाइफोर बर' बिन जारिमिनि सायाव गुबै आरो दुसाहसिक रिमार्क होलांदों। बिसोरनि गेजेराव सुनीति कुमार चेर्टाजी, हेरडटास, एम.एन श्रीनिबास गेट, ग्रियारचन, कनकलाल बरुवा, राय बाहादुर, नरुद्दिन, एन्देल चाहाब, प्रमद भट्टाचार्यनि मुडानो मख'जाथाव। जाइफोरनि लिरनाया गोदोनि बर' हारि हारिमु जारिमिन आरो demography नि सायाव मोनसे रोखा मुसुखा फोरमायदों।

गोजौनि सावरायनाइनिफ्राय ऐतिहासिक आरो फोलेरारी बिथिंनिफ्राइ बर' हारिखौं फोजोबनो नाजानाय खौरांखौं गोल्लैयै हमनो हायो बे बाश्रानि मदतनि थाखाय इराज पन्डितफोरनि मोनैसो रिमार्क फोरखौं सावरायनाय जाबाय। Colonel Hannay आ बुंदों- "Kalitas are the remnants of the Old kshatriya race that remnants of the Aryan Colony. बेवहाय Aryan Colony होन्नाय बाश्राया आनि सान्नाय बाइदिल्ला नंखाइ। हाडसनआ बुंदों- Kalitas were the Bodo priest. Colonel Hannay आ आरो बुंबावदों कलिताफोरहा देहायारी बिथिंनिफ्राय सोनाब भारतनि राजपुतफोरजों गोरोबनाइ दड। आर बे सासे मानसिआनो बुंबावदों कलिताफोरा गोदोनि आसामनि सुद्र जाति। Buchanon आ बुंदों गोदोनि कामरुपनि कलिताफोरा देहानि फार्से थिंजाइ हिन्दु द्राइब फोरजों गोरोबो। बिब्दि कनफलेकटि जाथाइनि गेजेराव जाइखि जाया मानसि आनो गावनि गोसोबाइदि गरन्थ एबा सिद्धान्तआव फैनारनि खाबु दड जाइखौं आर्यबादि सानस्रीआव फोथायसुला पन्डितफोरा फराभाबै खाबु लादों, जाइनि थाखायदिनै बर'नि जारिमिनआ बिब्दि जालाखात महराव।

आसामाव जारिमिनआव गोबां गोहो गोरा राजा आरो राजफोलेरनि मुं नुनो मोनो। जैरे : बर्मन बंस, पाल बंस, सेन बंस, शालस्तम्भ बंस बाइदि बाइदि। नाथाय बिफोर फोलेरनि राजाया मा हारिनि बिखौं रावबो जारिमिनगिरिआनो रोखायै मा हारिनि बिखौं रावबो जारिमिनगिरि आनो रोखायै बुडाखै। बहाबा हिन्दु राजा, बहाबा क्षत्रिय फोलेर बहाबा Aryanized राजा बाइदि रोखोम बुंनानै गुबै सिनायथि होखोमानानै दोनदों। हिन्दुब्लानो, ब्राह्मनब्लानो एबा क्षत्रियब्लानो आर्य नंगो बे नड। गोबां द्राबिदियान, ब्राह्मन क्षत्रिय, गोबां मनिपुरि ब्राह्मन, आरो गोबां नेपाली ब्राह्मन क्षत्रिय थानो हागौब्ला हिन्दु जालानाइ बर'फोरनि गेजेराव ब्राह्मन, क्षत्रिय बाइदि जाति जानाइनि खोथाखौं कप्लना खालामनायाव थारैनो जेबो गोरोन्थि गैया। जोबथारनायाव फरायथा बिथांमोन्सिम मोनैसो सॉलु सॉनानै आनि बे लिरनाइखौं फोजोबनो सानबाय।

(1) हिरन्य कहिपुनि फंवाय बाथुल भगवान ब्राह्मन अवतारखौं नोंथांमोनो बर' होनगोरा हाचां होनगोन ? नरकासुरनि (किरात) बिफा बिष्णु भगवान आरो बिमा बैसुमतीआ आर्य ना अनार्य ? बर'ना हासा ?

(2) बिगुर सोमखे महम्मदानफोरा द्राबिडियाना ना मंगलियान ? बर'ना हासा ?

(3) बर'निफ्राय क'च, क'चनिफ्राय लासै लासै जाति रान्नाय खलबनि गोर्बो थाखोआव बारखोनानै हाइयार हिन्दु ग्रेड आव मोनहैनाय बरगुदि मानसिफोरखौं नोंथां मोनहा मा होनगोन ? आर्य ना अनार्य ? बर'ना हासा ?

नोंथां मोनि फिनाया जि आनो दाजाथोंसै। नृतात्विक बिथिंजोंनिफ्राय बुंनो थाडोब्ला बिसोर गसिबो बर' एबा मंगलियान फोलेरनिनो। (आर 'नाइनि हेफाजाबै)।

सोनाब बंग 'आव बिजेपिनि लाइमोन दैदेनगिरि बुथारदों

कलकाता, 18 अक्टूबर: सोनाब बंग 'आव फिन सासे बिजेपिनि दैदेनगिरिखौ सिनाय मोनै दुथाडा बुथारनाय जाथाया राइज्यो नाडै-नो दुहाव थासारि सोमजिहोदों। मिबथिनो मोन्नाय बायदिल्ला थांनाय रबिबारखालि सोनाब बंग ' लाइमोन बिजेपिनि दैदेनगिरि मितुन घषखौ सिनाय मोनै दुथांफोरा गावनि न 'नि लांगोना मोखाडावनो गुलि गावनानै जिउ फोजोबो। मितुन घषखौ बुथारनायनि उनावनो सोनाब बंग ' बिजेपिनि दैदेनगिरि सुभेन्दु अदिकारिआ त्रिनामुल कंग्रेसनि सासे सन्देह ' खालामदों। बिथाडा मितुन घषखौ बुथारनाय जाथायखौ गोखों रावजों सोंखारिनानै बेयो त्रिनामुल कंग्रेसनि सुबुंथि गैयैनि सिनायथि होन्नानै बुडे। राइज्योनि



गुबुन सासे बिजेपिनि दैदेनगिरि बासुदेब सरकारा फोरमायनाय बायदिल्ला सिगां समफोरावबो मितुन घषखौ सिनाय मोनै दुथांफोरा हुमखि होबोनाय आरो सिगि-सग '

खालामबोबाय थांनायनि अजद दैखंदोंमोनब्लाबो बेनि हेंथायै मोनबो

रोखोमनि राहा लानाय जायाखै। मख 'नो गोनादि, सोनाब बंग 'आव खुंफुलांनाय बिधान सभा बिसायख 'थिनि सिगाडावबो गोबां बिजेपि दोलानि दैदेनगिरि आरो हेफाजाबगिरिफोरखौ सिनाय मोनै दुथांफोरा बुथारदोंमोन। बिसायख 'थिनि उनावबो बे मोनसे खांथिनानो सोलिबाय थांनायखौ राइज्योनि बिजेपिनि हेफाजाबगिरिफोरा जिंगासिनाय फोरमायो। बिजेपिनि दैदेनगिरि-मावथि सोद्रोमाफोरा बिजेपिनि लाइमोन दैदेनगिरिखौ बुथारनाय जाथायनि सायाव बिजिरनाय नायगिरिनानै सोमावसारनाय हाबाफारि लायो।

आइएसआइया राइज्योआव गाग्लोबनायनि थांखि लादों

गुवाहाटी, 18 अक्टूबर: आसाम पुलिसआ संगालि सुलुंनि सायाव बिथा खालामनानै राइज्योआव हाइ एलार्ट फोसावदों। पाकिस्ताननि संगालि एजेन्सि, इन्टर साभिसेस इन्टेलिजेन्स (आइएसआइ), आसाम आरो हादरनि गुबुन जायगाफोराव मोनसे गिदिर उतरखारि गाग्लोबनायखौ मोखथां महर होनो बिथांखि खालामदों। सुलुंनि बादिब्ला, आसाम पुलिस मावख 'नि लेडाइ इनस्पेक्टर अफ जेनेरेलनि गेजेरजों फोसावदोंदि, आरएसएसनि केडार, सान्थि थांनाय ओन्सोल, राइजोयारि जथुम्मा आरो धोरोमारि जायगाफोराव आइएसआइआ थांखि लादों। फोसावदिडव बुंदोंदि, आसाम आरो भारतनि



गुबुन गुबुन जायगाफोराव आरएसएसनि केडारफोर आरो सान्थिनि जायगाफोरजों लोगोसे सुबुंफोरखौबो थांखिनायनि थाखाय आइएसआइनि यजना बानायनायनि सोमोन्दै

हेफाजाबयारि एजेन्सिनिफ्राय सोद खौरं मोन्दों। मुलुगनां उतरखारि फसंथाननि मददजों बम एबा आइडिडि बेरफुहोगोन होन्नानै हुमखि होदों। आसाम पुलिसनि संगालि सुलुंनि फोसावदिडव बेखौबो बुंदोंदि,

अआइसिनि गाहाय नेहाथारिआ टुइटर इटैआव ढलपुरआव हा दखल खालामनायनि सोमोन्दै मोनसे फिन्नाय फोसावदों, जेराव आसामआव मुस्लिम हारिनि सुबुंफोरखौ इनाय-अनागार आरो हिंसा खालामनायखौ सोंखारिदों। अलकायदानि गेजेरजों मोनसे गुबुन भिडिअ खौरांनिफ्राय मोन्नाय मोनसे गुबुन सोद खौराडा आसाम आरो काश्मीरआव जिहादिनि इसार होयो। अलकायदानि एएस साहाबआ-डु नु सिट इडली गिभिं आयदानि मोनसे फोसावदि भिडिअ फोसावदों, जेराव भारतयारि मुसलमानफोरनि जेना गोनां लिंचिनि भिडिअखौ दिन्थिदोंमोन। बेफोरनि माखासे भिडिअआ आसामनिबो।

आबादारिफोरा पान्जाब, हरियाणायाव रेल हेबथानानै सोमावसारदों

अरुनाचल सिमनायाव सान्थि हान्जाया ड्रनजों नोजोर लाखिगोन

तेजपुर, 18 अक्टूबर: अरुनाचल प्रदेश सेक्टरआव एलएसआव चीना सान्थिनि हाबाफारिखौ नोजोर लाखिनो थाखाय सान्थिआ इजराइलआव बानायनाय हेरन ड्रनखौ थिसनबाय। चीना सान्थिनि जेना गोनां आखु दिन्थिनायखौ गोखोडे फिनजाथाय होनो थाखाय सोलाय-सोल ' खालामनाय सोलोयारि खांथिनि गेजेरजों बे ड्रनखौ थिसननाय जादों। मख 'जाथावदि, अरुनाचल प्रदेशनिफ्राय लानानै



लाडाखसिम भारत आरो चीननि गेजेराव सिमनाया 3,400 कि:मि: गोलाव नांजाबनाय। चीननि सान्थिआ गले गले सिमनाखौ बारायनो नाजायो। थांनाय बोसोराव गलवान हायेनआव फारनैथिनि सान्थिफोरनि गेजेराव गोखों बुलाय-सोलाय जानायनि उनिफ्रायनो बेयाव दरनैबो हादरआ गावबा-गावनि रोजा-रोजा सान्थिफोरखौ सान्जा लाडाखआव थिसन्दों। हेरन ड्रनआ 30,000 फुट गोजोंसिम थांनो हायो आरो कामान आरो कन्ट्रोल मिरुनो गोनां डाटाफोर आरो फट'फोरखौबो दैथायहरनो हायो। बेजों माखासे जर'खा ओन्सोलफोराव सान्थिफोरखौ थिसननायाव मदद मोनगोन। बे ड्रनखौ सान-हर, अखा हानाय बोथोरावबो बाहायनो हायो होन्नानै मेजर कार्कि गार्गआ फोरमायदों। बे ड्रनआ 35,000 फुट गोजोंआवबो लान्थियैनो 45 घन्टासिम बिरनो हानायनि गोहो दड आरो गोजानआव थांनानै बेखौ सामलायहरनो हायो। मख 'जाथावदि, हेरन ओंथिया दावब' दाव। खौरांनि बादिब्ला, हेरन ड्रनजों लोगोसेनो भारतयारि सान्थिनि अख्रामा ब्रान्सआ बे सेक्टरआव हेलिकप्टर रुद्रनि डब्लिउएसआइनि सोदांफिन्नाय हेलिकप्टरखौबो थिसननो नागिरिदों। बेजों सान्थिआ बे ओन्सोलाव गावसिनि मिसनफोरखौ मावफुनायाव आरोबाव गोखोंसिन जागोन।

गोदान दिल्ली, 18 अक्टूबर: लखिमपुर खरि जाथायनि हेंथायै इउनाइटेड फारमार फ्रन्टनि दैदेननायाव हादरनि गुबुन गुबुन राइज्योफोराव आबादारिफोरा रेल हेबथानाय हाबाफारिखौ जागायजेनबाय। रेल हेबथानायनि गोहोमखौ इउपि, दिल्लीनि अनगायैबो हरियाणा आरो पान्जाबआवबो नुनो मोन्दों। आथिखालाव पान्जाब आरो हरियाणानि गुबुन गुबुन जायगाफोराव आबादारिफोरा रेल लामायाव ज ' जानानै दड। मिरु मन्थि अजय मिश्राखौ मासिनिफ्राय होखारनांगौनि दाबिजों आबादारिफोरा सरकारनि हेंथायै आबादारि सोमावसारनाय खालामदों। लखिमपुरआव आबादारिखौ



किशान मर्चाया दिनै समबारखालि फुनि 10:00 रिगानिफ्राय 4:00 रिगसिम रेल

होबथानाय हाबाफारिखौ लायो। पान्जाबनि फिरजपुरआव 1 घन्टानि सिगांनो

कभेक्सिन भेक्सिनखौ हुआ गोखैनो गनायथि होसिगोन

जेनेभा, 18 अक्टूबर: भारत बायटेकनि करना भेक्सिन कभेक्सिनखौ सोलिफु दाननि जोबनार्यथि हुआ इमारजेन्सि बाहायनो गनायथि होनो हागौ। हुनि गाहाय बिगियानगिरि डा. सौम्या स्वामीनाथनआ फोरमायदोंदि, भारत बायटेकनि कभिड 19 भेक्सिन क भेक्सिनखौ इमारजेन्सि बाहायनो गनायथि होनायनि सायाव फेगौ 26 अक्टूबरआव हुनि टेक्निकी

कभेक्सिन भेक्सिनखौ हुआ गोखैनो गनायथि होसिगोन

बोसोनगिरि हान्जानि जथुमा खुंनाय जागोन। स्वामीनाथनआ बेखौ मिबथिहोनाय बे टुइटाराव बुंवावोदि, बेखौ लानानै भारत बाइटेकजों जयै हुया खामानि मावगासिनो। जौनि थांखिया इमारजेन्सिआव बाहायनो



थाखाय गनाय जानाय भेक्सिनफोरनि मोनसे गोखों पर्टफिलिय आरो मोनफ्रोमबो जायगासिम सौहैनायनि थाखाय गुवारै हाबाफारि मावनाय। मख 'जाथावदि, आइसिएमआर आरो एनआइभिनि ममदतजों बानायनाय भारत बायटेकनि कभेक्सिन करना भेक्सिनखौ थामथि खोलोबनि क्लिनिकेल ट्रायल नायनायाव 77.8 जौखोन्दो गोहोम गोनां मोन्दोंमोन।

सिन्धु बर्दारनि बुथारनाय जाथायखौ नायबिजिरनो एनसिएमसिनो गथायबाय



गोदान दिल्ली, 18 अक्टूबर: हादतनाडैनि गासै मोन 21 दलित एबा गोरलैसोनाय हारिनि फसंथानफोरा सिन्धु सिमायाव सासे दलित हारिनि सुबुंखौ बुथारनाय जाथायखौ गोखोडे नायबिजिरनो थाखाय नेसनेल कमिसन अफ सिडुलकसाट (एनसिएससि) नियाव थादों। अदेबानि शिख धोरोमारि फसंथानफोरा बे आयदाखौ दलित बनाम शिख होन्नानै गनायनो नेवसिगारदों, मानोना सिख हान्जाया गोबां अन्जमानि दलितफोर दड। थांनाय शुरुबार सिन्धु सिमायाव मोनसे पुलिस बेरिकेटजों खाथावनो दोन्नाय अबस्थायाव पान्जाबनि सासे दलित आबादारि लखबिर सिं (35) नि गोथै सहखौ मोदोंमोन। बे केसआव पुलिसआ सा 4 सिं हारिनि साब्रै सुबुंखौ हामखांबाय। मोनै गोजौ थाखोनि शिख फसंथानफोर अकाल तख्त आरो शिरमनि गुरुद्वाराया बे इनयै बुथारनायनि आन्दोआव फाव फान्दायनाय दं होन्नाबो बुंदों। इउपि, दिल्ली आरो पान्जाबनि गोबां फसंथानफोरा एनसिएससिजों सोमोन्दो लादों। गोरलैनाय हारि एबा एससि फसंथानफोरनि गेजेराव भारतीय बौध्द संघ. रास्ट्रीय भंदु सांसी समाज बिकास संघ, श्री गुरु रबिदास विश्व महापीठ (दिल्ली) जाय बाबा राम पीर जन्मत्सब समिति, एनएससि, दिल्ली फ्रन्टयारग पन्सायत, बाल्मिकी महापन्चायत, श्री सन्त कबीर जन्मत्सब समिति, अखिल भारतीय बैरबा बिकाश संघ, एमसि/एसटि/अबिसि आरो एसेल 'सुबुं अन्जिमा मावसुमा जौगाखं फसंथान आरो जंगपुर भगल एससि/एसटि रैजिडेन्ट वेलफेयार एनसिएसन आरो गुबुनफोरावो दंफायोमोन।

रेलजों दावबायग्राफोरनि थाखाय मोजां खौरां, सरासन्त्रा टिकेट बुकिं सिबिथाया खुलिफिनबाय

गाजियाबाद, 18 अक्टूबर: रेल दावबायारिफोरनि थाखाय मोजां खौराड सोराडव फेदों, आथिखालाव दावबायारिफोरा टिकेट बायनो थाखाय ट्रेन स्टेसननि बुकिं खालामग्रा मिरुआव थांनांगौनि गोनांथि गैलिया। रेलवे आ दावबायारिफोरनि खाबुनि थाखाय बानायनाय सरासन्त्रा टिकेट बुकिं मिरुखौ खुलिफिनबाय।



करनानि थासारिआ मोजाडव फेनायनि उनाव दावबायारिफोरा

गाजियाबादिन रेलवे स्टेसननि फारनैथिबो मोन 9 जेटिबिएस मिरु दड। बेफोर गासैखौबो खुलिनायनि गनायथि होनाय जाबाय। बे मिरुनिफ्राय रेलवे काउन्टरआव मोन्नो हानाय टिकेट फोरखौल ' होनाय जागोन। आथिखालाव गोजान जान्थायनि ट्रेनफोराव सरासन्त्रा टिकेटजों दावबायनो हानायनि खाबु गैया। रेलवे मावसुमाफोरनि फोरमायनाय बादिब्ला, करनानि

जेना जानायनि सिगाडाव सानसेआव 500-600 जान्थायनि टिकेट होनाय जायोमोन। नाथाय आथिखालाव बे जान्थाया खम जाबाय। दावबायारिफोरनि खाबुनि थाखाय जेटिबिएस मिरुखौ खुलिनाय जाबाय। बेयो लकेल ट्रेनफोरनि थाखायल ' सरासन्त्रा टिकेटखौ होनो हागोन। बेजों दावबायारिफोरा सुबिदा जागोन।

नै मानसि-बयबो समान सुबुंथिनि हास्थायनाय

नै मानसि
नोंहाल' उदै दं
मालायहा उदै गैया ?
गावहाल' उदै रोने-रोने जानांगौ
मालायहा उपबास थानांगौ ??
नै मानसि-
नोंहाल' खुगा दं
मालायहा खुगा गैया ?
गावहाल' मालायखौ खि-हासुदै दौनांगौ
मालायहा खुगा मुथुनानै थानांगौ ??
नै मानसि -
नोंहाल' आथिं दं
मालायहा आथिं गैया ?
गावहाल' दिल्ली, मुम्बाइ, माद्राज गिदिनांगौ
मालायहा देखरनि एम्बु जानांगौ ??
नै मानसि
नोंहाल' मेगन दं
मालायहा मेगन गैया ?
गावहाल' टिभि,चिनेमा बायनांगौ
मालायहा गान्धारि जानानै थानांगौ ??
नै मानसि-
नोंहाल' आखाइ दं
मालायहा आखाइ गैया ?
गावहाल' मालायखौ साया-सुवा बुनांगौ
मालायहा महात्मा गान्धी जानानै थानांगौ ??
नै मानसि-
नोंहाल' खोमा दं
मालायहा खोमा गैया ?
गावहाल' बायदि रादाब खोनासनांगौ
मालायहा बेंगा जानानै थानांगौ ??
नै मानसि-
नोंहाबादि उदै
नोंहाबादि खुगा
नोंहाबादि आथिं
नोंहाबादि मेगन
नोंहाबादि आखाइ
नोंहाबादि खोमा
नोंहाबादि गोसो
बयहाबो दं बयबो समान:
नै मानसि -बयबो समान

मुसि बानेस्वर बसुमतारि
पाटगाव

नै सुबुंथिनि थान्दै
नों थारैनो बर' हारिनि गेजेराव
उजिनानै राव, थुनलाइ, हारिमुखौ,
भुमाव गेरैमसा खालामनो
नाजानाया औरैनो थंगाराखै ।
नै सुबुंथिनि थान्दै
नों दिने भुमाव थानाय गासैबो
बर' माहारिखौ खौसे
खालामनानै गावजों गाव
एना एनि सानलाइनाय सानप्रिखौ
फोजोबस्रानानै हारियाव
गोगो गोथार अनज्जायनायनि
थासारि लाबोनो नाजानाया
आद्रा जानानै थालांबाय ।
नों दिने बर'नि गोग्लैसोफिननो
नागिरनाय रावखौ नौनि
मेंनाय बानाय गैयै, हाथा-हामा सान-हर
नाजाथाबनानै हाबा मावनायनि
जाउनाव बर' रावआ
भारत संबिजितनि 8 थि आवथायाव
सरकाजों गनाय जानाय राव
हिसाबै भुम दरबाराव जायगा मोनबाय ।
नै सुबुंथिनि थान्दै
नोंनि हास्थायनाय मिजिंकआ
दिने जाफुंसारनायनि रेगा नुजाबाय ।
नोंनि हास्थायनाया आद्रा
थालानाय हाबाफारिफोरखौ
अरायबो जों खौसेयै सुफुलानो नाजागोन ।

मुसि महन चन्द्र ब्रह्म
गामि- बंसिगाव

रंजालि गथ' फोरनि सौरा

मुख्लं जोहोलाव

थारैनो नों सासे जोहोलावमोन
गावनि हादरखौ सिबिग्रा,
गावनि जोनोमफुरि हादरखौ
मोजां मोनग्रा जोहोलाव ।
थै-थां जुजियै जुजियै हारिखौ
खौसे लाबोनो नाजानाया थारैनो
दंमोन नौनि गोथार गोसोआव ।
हानाय नड जों जेब्लाबो बावनो,
बेबायदि हादर अनसुला जोहोलावखौ
थास लाइनि जिउआ दिनेसिम
आसखान्दा जादोब्लाबो नौनि
मावफारि जोहोलाव जारिमिना
अरायबो जौनानै थाबाय थायो ।
एना एनि जानो रोडै-सुबुंजों
हारिखौ खौसेआव जौहा होग्रा नों
थारैनो नों मुख्लं जालांबाय ।
हारि सिबिसुला जेरावबो आखा फाखा
राफोद हारि सिबिसुला नों मावथि
मेंनो रोडै-बानो रोडै-जिराया जासे
नाजायो अरायबो मावनो सान हर ।
बावनो हाया जों बे बायदि
जोहोलाव फोरोंगुरुखौ ।
मोदोमाव हारिनि थैखौ लानानै
हारि अनसायनाया मेगन गोसा
सुथुरजों नोजोर होजाना थारैनो
अबथिरा जिउआव नों मुख्लं जालांबाय ।

मिस रंजालि बसुमतारि
जायनारि गोजों फरायसालि

सिमांफोरनि मोगथां नागिरनानै

दिगन्त बड'सा

एरैबादि सानफलाडे माब्लाबा
जेनबा गावनि जायगायाव अखा हायोबोला
गासै बहुमावनो अखा हानायबादि
सानफलाडे मानोबा-
जायगायाव सानुं दुडेबोला
गासै बहुमावनो दुंहावनाय बादि !
सानायासो गोरोन्थि
ना गोरोन्थियावसो आं सानफलाडे
बुजिनो मोना गावखौनो
सिमांफोरनि गेजेराव थाखुमानानै
मोगथां मोगथां नागिरफलाडे ।
नाथायबा आथिंखालाव बायनो हायोनो
सिमांफोरखौ..... ?
आं नाथाय लुबैथारा सयथिबो बायनो,
मावनानैनो सिमांफोरखौ
मोगथाडव आं लुबैयो
जेराव गोसोनि दुखुखौ दाबसेयाव दोनानै
अराय मिनिनाय मोखांखो लानानै
आं आंबादिनो
सिमांफोरखौ सुजुयो
गोबाय देरायाव ; गोसो गोरबोयाव ।

फैफिन नों रजे

आंनि गोरा गोसोआव नों जेब्ला
लुफावफैदोंमोन अन्नायनि फिथिखा
नोंनि थार अन्नाया
लासै गेलेम लांदोंमोन गोरबो बिखा ।
जेब्लानों गोरबोनि लांदां मासियाव-
साननैसोनि आलासि जाना जिरायनायाव,
बुनाय बैफोर नौनि राव फावआ
दड दाबोनो गोरबोनि दायरिफोराव रोखा रोखा ।
दिने सुथुरनि नाखेबनायाव-
गोसोआ नौनि आंनिफ्राय बेसेबा गोजानाव
सुथुरखौ गियोब्ला
मानोथो मोजां मोना सना ?
गोसो सिखाव जानानै रजे
मोजां मोनलायनायनि गाथोनाव दागेले ।
नोंनि अन्नायखौ लानानै
बावलांबायमोन आं दुखुनि सोमोन्दै,
नाथाय नौनि फोथाय खेबस अन्नाया
दिने सोमजिहोबाय गोरबोआव हांमा... ।
नोंनि थाखाय सुजुनाय सिमाड
सिमाडैनो गोमोरलांनयबाय सना,
नोंखौ लानानै लुनाय मिजिनि देरायावलाय
सुथुरनि लुफावनाय अरा जौब्लाउ फेबाय ।
नों आंनि गोजान जादोब्लाबो
गोमोरखै रजे नौनि सावगारिया गोरबोनिफ्रायनो ।
सिमाड आंनि नौनि थाखायल
मोगथाडव नौनि अन्नाय मोननायनिल ।
गोरबोआव आंनो मोदैन आगान होलांनानै
आंनिफ्राय जानगारखो नों मा गोसो लानानै ?
मेंगिलनाय सोलेरखौ लानानै
दड आं नोंखौनो नागिरबायनानै,
नाथाय दिने आंनि दावबायनाय लामायाव,
गाब्रफलांबाय आं सुनि बेहेराव ।
आंथिनि सुखौ बखनानै
सानदोंमोन आं आगान सुरफिननो गोदांनै,
नाथाय बखनो हायाखिसै आं रजे
नाजाब्लाबो गले गले ।
आंथिनि सुखौ बखनो-
नों नडब्ला हानाय नड रावबो ।
दड आं दिने जग्रबनानैसो
बे सुनि बेहेरावनो,
थैजासिम बेवनो थाबाय थानानै
नोंखौनो आं लामा नायबाय थासै ।
माब्लाबा आंखौ गोसोखांफिनोब्ला
अनसाय फैफिननो दाबाव सना
बे लामाखौ सं दाननानै सानसे-
आंनिफ्राय फैफिन नों रजे.... ।

मिस कल्यानि बसुमतारि
इउ एन एकाडेमि (कक्राझार)

गोजां बोथोराव दावबायनानै एडभेन्सार्नि गोजोन्नाय लानो हादतनि दाब बै जायगाफोरा गनायथाव



गोदान दिल्ली, 18 अक्टूबर: जिउ खुंनयनि गोखों हाबाफारि मावनायनि गेजेराव माब्लाबा माखासे सान खामानिफोर आरो जेनाफोरखौ दोन्थ 'नानै गोजान दाबसे जायगायाव दावबायहैना रंजाथाव लानोब्ला गोसोआव गोजोन्नाय आरो थाजिम मोनो । दावबायनाया मोनसे स्ट्रेस बुस्टर एबा गोसो गोर्बो, खर' मेलेमनि माखासे जेनाफोरखौ होस्रानायनि खामानि मावो । दावबायोब्ला खालि इम्युनिटियाल' बुस्ट जाया, खर' मेलेमाबो थाजिम एबा प्रेस जायो । माखासे सुबुंफोरा दावबाय हैनो थाखाय हादतनि बाइजोआव थानायखौल' साबसिन सान्ना लायो, गुबुन हादतफोरावल' रंजा बाजा फालिनायनि साबसिन नुथायफोर आरो जायगाफोर दडसना लायो । नाथाय हादतआवनो बेबादि माखासे दावबायदिग्रा



मोजां मोजां जायगाफोर दड; जेराव छुट्टिनि समाव दावबायहैना गोजोन्नाय लानो हायो । बेफोरनो जादों

(1) गुलमार्ग : बेखौ बहुमनि सोर्गो फुरि बुंनय जायो, जाय एडभेन्सार्नि थाखाय साबसिन जायगा । गुलमार्गआ पीर पन्जाल रेन्जनि समायना हायेन जायनि हाजोफोरा गोजां बोथोराव गुफुर बरफजों खोबफना थायो । बेयाव गोजां बोथोरनि माखासे गेलेमुफोरनि रंजाथायखौ लानो हायो । बेयाव स्नर्बर्डि,



आइस स्केटि, स्की हाजो गाखोनाय बायदि एडभेन्सार्फोरनि रंजाथायखौ लानो हायो ।

(2) अली : उत्तरखान्दआव थानाय अलीआ दिल्लीनिफ्राय 372 किल 'मिटर गोजानाव दड; जायखौ मिनि काश्मीर बुंनय जायो । मानोना बेयो गोजां बोथोराव फुगयैनो काश्मीर बायदि रोजा बरफजों खोबजाना थायो । बेयावनि स्कीनि अनगायै आइस स्केटि आरो स्नर्बर्डिनि रंजाथायबो लानो हायो ।

(3) सलां भेलि : हिमाचलआव थानाय सलां भेलिआ मानालिनिफ्राय एसेल' गोजानाव दं, जाय एडभेन्सार् मोजां मोनग्राफोरनि थाखाय मख'जाथाव जायगा । बेयाव पेरग्लाईदि, जर्बि एटिभि



राइट, रक क्लाइम्बिं, रेपलिं, रिभार क्रसिं, स्की, स्नर्बर्डि आरो स्न ट्रेकिं बादि एडभेन्सार्फोर दावबायारिफोरनि गोसोखौ बोयो ।

(4) नारकन्ड : हिमाचल प्रदेशनि समायना जायगा नारकन्डया सिमलानिफ्राय 65 किल 'मिटर गोजानाव दड । बरफ गोलैनाय समाव बेयो दावबायारिफोरनि थाखाय पारफेक्ट जायगा । बेयाव जरखायै स्की आरो स्नर्बर्डिनि गोजोन्नायखौ लानो हायो ।

(1 बिलाइनिफ्राय)

(1 बिलाइनिफ्राय)

(1 बिलाइनिफ्राय)

गसाइगावआव साननै नाडैः दावबायनाय हाबाफारिजों गिबि मन्थिआ नुजाथि फैदों

लोगोसे बिटिसिनि गाहाय मावफुं सोद्रोमा प्रमद बर', मन्थि अशक सिंघाल, मन्थि उर्खाव गोरा ब्रह्म, एमएलए लरेन्स इस्लारिमोनजों लोगोसे माखासे दोलोनि दैदेनिगिरिफोरा दंफायोमोन। गिबि मन्थिआ हेलिकप्टरजों गसाइगाव हाबुबिलयाव थानाय हाबुबिल गोजौ फरयसालियाव बाग्लायफैनायनि उनाव थोंजों महकुमानि पद्मबिलयाव थानाय रंसारि जास्तिन लाखानि न'आव नुजाथि फैना नै लाखानि फबनाय जायगायाव बिबार मानबाउनायनि उनाव रंसारि जास्तिन लाखानि बिसि लता तिरु लाखाजों बाश्ना सावरयलायो। खौरं बिजोडव गिबि मन्थिआ आशानि आफादगिरि महरै खामानि मावबाय थानाय समाव रंसारि जास्तिन लाखाजों खाथि सोमोन्दो दंमोन होन्ना बुंथियो आरो आदिबासि समाजनि थाखाय जास्तिन लाखाआ गोबां बिहोमा दं होन्ना गिबि मन्थिआ बुंथिदों। आशानि गायसनगिरि आफादगिरि रंसारि जास्तिन लाखानि न'आव राइज्योनि गिबि मन्थिआ नुजाथि फैनायाव रंसारि लाखानि बिसि लता तिरु लाखाया गोजेन्नाय फोरमायथिदों।

बेनि उनाव गिबि मन्थिआ आशानि आफादगिरि रंसारि बस्क' सेरमाक'नि थाखुलियावबो नुजाथि फैना नै फबनाय जायगायाव बिबार मानबाउनायजों लोगोसे नख'ररिफोरखौ लोगो हमनानै बाश्ना सावरयलायो। आदिबासि हारियारिनि मुंख्लं सानैनि नख'ररिखौ लोगो हमनायनि उनाव गिबि मन्थि ७ शर्माआ गसाइगाव पुलिस थानानि सिडव थानाय मरनै साहा बागानाव दावबायहैदों। मोनाबिलियाव मरनै साहा बागाननि आलासि थाग्रा नब्लाडव गुबुन गुबुन दोलो आफादनि दैदेनिगिरिफोरजों गिबि मन्थिआ बाश्ना सावरयलायो। दिने मरनै साहा बागाननि आलासि थाग्रा नब्लाडव हर थानानै गाबोन फुडव गसाइगाव गोजौसिन गेजेरि फरयसालिनि गेलेग्रा फोथारव जुथाय दोलोनि इडपिपिएल दोलोनि बिजाथि जिन्न बसुमतारिनि जानानै गेदेर बिसायख'थि फोसावदिनाय मेलयाव गिबि मन्थि ७ शर्माआ बाहागो लागोन। बे बिसायख'थि फोसावदिनाय मेलयाव बिटिसिनि गाहाय मावफुं सोद्रोमा प्रमद बर', मन्थि इड जि ब्रह्म, मन्थि अशक सिंघालमोनजों लोगोसे बिटिसिनि मावफुं सोद्रोमाफोर आरो एमसिएलएफोरा नुजाथिफैगोन।

मख'नो गोनादि, दिने गसाइगाव दावबायनो फैना नै जर'खा सम दिहुन्नानै आसामनि गाहाय आबद माइ दुब्लि फोथारव दिने काति बिहु एबा काति गासानि बुख्लियाव आलारि बाथि फोजौना होनानै गिबि मन्थि ७ हिमन्त बिश्व शर्माआ आसामआरिनि जौगथाय राइज्योनि आबादारि समाजखौ थांखि लानानै बुंदोंदि, असमीया सुबुं जिउ खानायाव जोबोद आंगोनि काति बिहु एबा काति गासा सावनायनि फोबोंआव इसोरनाव आर'ज खालामबाय।

लाइमोनफोरा फेग्रा मुवा बाहायनायनिफाइ अराय गोजानाव थानांगौः दिपेन बर'

सुबुं महरै बाहागो लानानै ए.सि.एस बिबानगिरि बिरबल ब्रह्मआ गावनि बिबुंथियाव लाइमोन समावनो गावनि जिउनि थांखिखौ थि खालामनायजों लोगोसे मोजां आखल-आखुखौबो दाखानानै लानांगौ होन्नानै लाइमोनफोरखौ थांखिनानै बुडे। बे लाइमोनफोरनि मेलाव मिरु एबसुनिफ्राय लेडय आफादगिरि रोमदोन बसुमतारि, सुबुं फोनांजाव नेहाथारि बड'सा ब्रह्म, सरनजित नार्जिनारि, गेलेमु नेहाथारि गनेश बसुमतारि आरो लोगो सोलौंथाय नेहाथारि रमिअ' कुमार बसुमतारि, बाक्सा जिल्ला एबसुनि आफादगिरि उमेश दैमारि, थुनलाइयारि नेहाथारि मिथिंगा राजा बसुमतारि, सुबुं फोनांजाव नेहाथारि कुमुद बर' मोनजों लोगोसे दखरा एबसुनि मावथिफोराबो बाहागो लादोंमोन।

भवानिपुराव बिजेपिनि राइज्योआरि आफादगिरि बिसायख'थि फोसावदिदों

राइज्यो आफादनि आफादगिरि भवेश कलिताआ गावनि बिबुंथियाव दिने भवानिपुर बियाबनि गुलियाआव खुंफुंजानाय जुथाय दोलोनि बिजाथि फनिधर तालुकदारनि हेफाजाबाव खुंफुंजानाय मोनसे बिसायख'थियारि मेलयाव बुंथिदों। भवेश कलिताया बुंदोंदि, आसामनि दर 5 बिधान सभा बियाबनि उफ्रा बिसायख'थियाव गासैबो बियाबआव जुथाय दोलोनि बिजाथिफोरा गोगानायजों देरहागोन। मेलयाव जुथाय दोलोनि बिजाथि फनिधर तालुकदारआ बुंदोंदि, थानाय खेबनि बिसायख'थियाव आं देरहादोंमोनब्लाबो फिथाइआ गोसो गोजेन्नाय जायाखैमोन। आन्जादयाव फिथाइखौ मोजां मोनाब्ला गुण गोनं फरयसाया बेटरमेन होनाय बादि आनि थाखाय बे खेबनि उफ्रा बिसायख'थिआ बेटरमेन बादि जादों। कंग्रेसखौ सौंखारिनानै बिजाथि फनिधर तालुकदारआ बुंदोंदि, 2011 बोसोरनिफ्राय मोनफ्रोमबो बिधान सभा बिसायख'थियाव कंग्रेस दोलोनि बिजाथिआ जेनबोदों, बे खेबावबो जेनबावगोन। मख'नो गोनादि, बिजेपिनि राइज्योयारि आफादगिरि भवेश कलिता, बिजाथि फनिधर तालुकदारखौ हेफाजाबआव बिसायख'थि मेलयाव हेफाजाब होनायजों लोगोसे मेलयाव बिबुंथि होदों फारियै- फलासबारि बियाबनि एमलए हिमांग ठाकुरिया, बिजेपिनि राइज्योयारि दैदेनिगिरि मनज बरुवा, रातुल शर्मा, बिकुल डेकामोनहा। लोगोसेनो बे बिसायख'थि मेलयाव एआइउडिएफ दोलोनिक्राय बिसायख'थियाव गलिया गाव पन्चायतनि आफादगिरि नुरुल इसलामा हाजरिकाजों लोगोसे सा 207 एआइउडिएफ दोलोनि दैदेनिगिरि-मदतगिरिफोरा बिजाथि फनिधर तालुकदारखौ हेफाजाब होनानै बिजेपिनि राइज्योयारि आफादगिरि भवेश कलितानि नुजाथि फैनायाव बिजेपि दोलोआव हाबाफारि बायदिथै हाबफैदों। भवेश कलिताआ बिजाथि फनिधर तालुकदारजों लोगोसे बिजेपिनि दैदेनिगिरिफोरखौ लोगोसे लानानै भवानिपुर बिधान सभा बियाबनि सिडव थानाय माधवपुर, ताथिखुसि, बारबजार, भुमारपातार, मैरमभिता आरो सावलियाबरिआव जुदा-जुदायै खुंफुंजानाय बिसायख'थि मेलयाव बिबुंथि होनानै बिसायख'थि फोसावदिदों।

बिटिसि गोथोबथानि उनावबो जेबो जौगानायनि गोहोम गोलैयै जवारबिल गामियाव प्रमद बर'आ दावबायहैदों

मिरु इडपिपिएल दोलोनि नेहाथारि राजु नार्जारी, आसुनि गाहाइ नेहाथारि रिमान सरेनमोनजों लोगोसे गोबां दैदेनिगिरिफोरा बे आदिबासिफोरनि दासाइ फोबोंआव बाहागो लायो। बे हाबाफारियाव बाहागो लानानै बिटिआरनि गाहाइ मावफुं सोद्रोमाया बुडेदि, बिटिसि गोरोबथानि 17 बोसोर बारलानायनि उनावबो बेबायदि जौगाथाय गैयै गोबां गामि दं। गुबुन गामिफोरनि बायदिनो बे जवारबिल गामियावबो लामा, दालां, फरयसालि आरो देहा फाहामसालिनि जेबो मोजां रहा गैया। बेनिखायनो बिटिआर सरकारा जवारबिल गामियाव लामा,दालां, फरयसालि, देहा फाहामसालि बायदिफोरखौ फोजौखानो थाखाय थाबैनो रहा लानाय जागोन होन्नानै बिटिआर गाहाइ बर'आ रोखायै फोरमायथियो।

बिसायख'थि आयगआ एगजिट प'लनि फोसावनायखौ होबथायदों

बिजोंफोराव फोसावनायखौ होबथानाय जादों। बेराफासै धारा 126 (1) (ख) नि सिडव फोसावनाय होबथानाय बायदिथै भेट आजावनाया जोबखानायनि 48 घन्टानि सिगांनिफ्राय जोबजासिम जायखि-जाया मोब्लिबआरि बिजोंआव बिसायख'थि फोसावनायनि सोमोन्दै जायखि-जाया आयदा आरो एगजिट प'ल एबा राइजो-राजानि मतामतनि बिथायाव खालामनो लानाय बिसायख'थि फिथायनि सिगांग्रो हमदांनाय एबा गुबुन गुबुन बिसायख'थि फिथायनि सोमोन्दै जुरिप खालामनो मोन्नाय नड। बे होबथानायखौ सिमफायोब्ला बोसोरनैसिम जेलनि साजा एबा जुरिमाना एबा जुरिमानाजों लोगोसे जेल साजा मोन्नो हागौ।

सोलिफु उफ्रा बिसायख'थिनि हाबाफारिखौ जाफुंसार महरै मावफुंनायनि सार्थआव गोजौआव मख'बोनाय एगजिट प'ल आरो राइजो-राजानि मतामतनि बिथायाव खालामनो लानाय बिसायख'थि फिथायनि सिगांग्रो हमदांनायनि सोमोन्दै बिसायख'थि आयगआ फोसावनाय बिथोनफोरखौ मानिनानै सोलिनो आसामनि गाहाय बिसायख'थि बिबानगिरि नीतिन खाड़ेआ नांजाबफा गासैबो बिबानगिरिफोरखौ खावलायहरदों।

बासुगाव प्रेस क्लाबआव काति गासा फालिदों

सानाव नख'फ्रोमबो न'नि लांगोनायाव, आबाद थिलियाव आलारि बाथि फोजौनानै फालिनाय बादिनो चिरां जिल्लानि सिडव थानाय बासुगाव प्रेस क्लाबआवबो मोनाबिलियाव आलारि बाथि फोजौनानै काति गासा सावनाय फोबोंखौ फालिनाय जादों। गिबि आलारि बाथिखौ फोजौनानै होदों आजिरा मोन्नाय गाहाय फोरोंगिरि आरो देंखोगिरि अजित कुमार नन्दिआ। अजित कुमार नन्दिआ आलारि बाथि फोजौना होनानै सासे असमीया महरै हारियारि फोबोंखौ फालिनायनि बाहागो जानो मोन्नानै गोगानाय मोन्दों होन्ना बुंथिनानै बिहु देंखो मोन्नै रोजाबो। प्रेस क्लाबनि आफादगिरि ब्रुगुमनि रायआ सामलायनाय हाबाफारियाव बिनद बर्मन, अमित कुमार सरकारमोनहा नुजाथि फैना नै हेफाजाब होफैदों। मख'नो गोनादि, बासुगाव गामि ओन्सोलनि नख'फ्रोमबो नख'ररिनि लांगोनायाव तुलसिनि गुदियाव, मोनफ्रोमबो नख'ररिनि दर्जा मोखाडव, बारि-बागानाव, आबाद थिलियाव थाइगिरि फिथाइनि बिखंआव थाव गुबे होनानै आलारि बाथि फोजौनायआ बे ओन्सोलनि गोदो-गोदायनिफ्राय सोलिबोनाय नेमखाथि महरै मिथिजाबोदों। बे नेमखाथिखौ मानिनानै दिने मोनाबिलियाव न'नि-बाइजोयाव आलारि बाथिनि जौथिखौ नुनो मोन्दों।

तामुलपुराव गन' सुरक्षा पार्टीनि बिसायख'थियारि मावख' बेखेवदों

सदरनि बिखायाव गन' सुरक्षा पार्टीनि मोनसे बिसायख'थियारि मावख'खौ बेखेवनाय जायो। जिएसपि दोलोनि बिजाथि ब्रजेन्द्र नाथ डेकानि नुजाथिनायाव मावख'खौ बेखेवनाय होयो 5 नं. कक्राझार लक सभा बियाबनि एमपि एबा जिएसपि आफादगिरि नव कुमार शरनियाआ। मावख'खौ बेखेवनायनि उनाव शरनियाआ बुडेदि, तामुलपुर बियाबआव जिएसपि दोलोआनो देरहागोना रोखा। सिगां समाव माखासे जेना दडमोनब्लाबो तामुलपुर बियाबनि गोहो-गोरा बिजाथि इमानुयेल मुसाहारीआ बिजाथि थिसन्नायखौ बोखांना लाफिन्नायनि उनाव बे खोथाया रोखासिन जायो। जिएसपिनि साफ्रोमबो दावहारुनो गाव-गावनि बिबानखौ गहामै सामलायलानो बिथाड खारलायो। बिथाड बुडेदि, तामुलपुर बियाबनिफ्राय ब्रजेन्द्र नाथ डेकाखौ देरहाहोनो हायोब्लासो जायफोरा गोलाव समनिफ्रायनो जिएसपि एबा अबर' खालामबोदों बेनि थार फिथाइखौ मोनगोन। बेनिखायनो मोन्नाय मोनेनि हिसाबखौ नागारनानै ब्रजेन्द्र नाथ डेकानि जानानै गोखों बिसायख'थियारि फोसावदिनाय हाबाफारि लानो थाखाय जिएसपिनि गासैबो मावथिफोरखौ खावलायहरो।

दिनेनि मावख' बेखेवनाय हाबाफारियाव तामुलपुर बियाबनि बिसायख'थि सामलाय कमिटिनि आफादगिरि सफिरुदिन आहमेद, नेहाथारि निखिल दे, जिएसपिनि गामि दैदेनिगिरि एबा तामुलपुर फालांगि फरयसालिमानि आजिरा मोन्नाय गोरयुं ७ कैलास तालुकदार, अबर' सुरक्षा कमिटिनि मिरु नेहाथारि अजय दास, जिएसपिनि मिरु लाइमोन नेहाथारि नव' बर्मन, जिएसपिनि मिरु लोगो नेहाथारि पंकज बर्मन, जिएसपिनि मिरु लेडइ आफादगिरि नपाम रायमोनखौ लाफानानै गोबां दैदेनिगिरि मावथिफोरबो बाहागो लादोंमोन।

तामुलपुरनि भारत-भुटान सिमनानि काउलीयाव मैदेरनि उतखार

ओंखारबोनाय हाग्रानि मैदेरनि फालोआ थानाय रिबबारखालि हरनि समाव तामुलपुर महकुमानि भारत-भुटान सिमनानि 1 नं. काउली, सिंग्रामारि, फाखिबारि, लतिबारि बायदि ओन्सोलयाव हाबनानै गोबां बिघा आबादजों लोगोसे न' बांफोरखौबो सिमफायनानै ख'हा खालामलाडे। थानाय रिबबारखालि हरनि 11.00 रिगासो समाव हाग्रानि मैदेरनि फालोआ कुमारिकतानि साखाथियाव थानाय फाखिबारि, सिंग्रामारि गामियाव हाबनानै उदखार खालामनायजों लोगोसे गामिनि माखासे सुबुंफोरनि न'-बां, बारि-बागानाव गाइनय बायदि मैगं-थाइगं, माइ आबादफोरखौ गाग्लिनानै ख'हा खालामलाडे। गुबुन फारसेथिं भुटान सिमनानि 1 नं. काउलीआवबो हरनि समाव हाग्रानि मैदेरनि फालोआ उदखार खालामनायजों लोगोसे खमैबो 15 बिघानिबो बांसिन माइ आबादखौ जानानै ख'हा खालामलाडे। मख'नो गोनादि, तामुलपुर महकुमानि भारत-भुटान सिमनायाव सानफ्रोमबो हरनि समाव हाग्रानि मैदेर गामि ओन्सोलाव हाबफैना नै उदखार खालामबोबाय थानायाव ओन्सोलनि थागिबि राइजो-राजाफोरा उन्दुनाय गैयालासेनो हरखौ बारहोनांनय थासारि सोमजिदों।

उपेन्द्र नाथ ब्रह्म ट्रास्टआ 18 थि सुबुंथिनि फाइखि बान्थाखौ बे खेबाव ७ अभय बांगनो गथायनो

भारतनि गोलैसोनाय ओन्सोलफोराव ट्राइबेलफोरनि देहा सिबिथाय होनायाव मैखोमै बिफाव लानानै बिथानि बाउसोमनानै खामानि मावनाया मुलुग नाडैनो बाख्नायजानाय मोन्दों। कभिड-19 नि गिखंथाव महरै सन्देरनायनि समावबो सिबिथाय बाउसोमनानै बेरमिफोरखौ जोथोन लानायनि थाखाय गोजेन्ना नै उपेन्द्र नाथ ब्रह्म ट्रास्टआ 18 थि सुबुंथिनि फाइखि बान्था 2021 खौ बिथानो गथायनो थांखि लानाय जाबय होन्नानै उपेन्द्र नाथ ब्रह्म ट्रास्टनि आफादगिरि ७ सुबुं बसुमतारिआ फोरमायहरदों।

फैगौ 13 नभेम्बर अक्टयाव गोबांथार मान गोनं आलासिफोरनि नुजाथिनायाव कक्राझारवनो ७ अभय बांगनो 18 थि उपेन्द्र नाथ ब्रह्म सुबुंथिनि फाइखि बान्था 2021 खौ गथायनाय जागोन। बे बान्थायाव गांसे इन्दि जि,गांसे ममेन्ट' आरो नोगोद से लाख रां थागोन होन्नानै ट्रास्टनि आफादगिरिआ फोरमायहरदों।

बासुगावआव ७ भुपेन हाजरीकानि थैनाय सान फालिनो लाहार-फाहार जादों

दिने ७ भुपेन हाजरीका गोसोखां सरैखाथि आफादनि आफादगिरि अमृत नारायण पातगिरिनि आफादगिरि मासि सामलायनायाव खुंफुंजानाय मेलयाव नुजाथि फैनाय बयनिबो गनायथियाव थैनाय सानखौ फालिनारनि थांखि लानाय जायो। फैगौ 5 नभेम्बरव फुंआव बासुगाव गोजौसिन गेजेरि फरयसालिनि लांगोनायाव खुंफुंनाय जागोन। बे सानखालिनो फरयसालिनि लांगोनायाव थानाय ७ भुपेन हाजरीकानि अरयथा मुसुखायाव आलारि बाथि फोजौनाय, बिबार बाउनाय, ७ भुपेन हाजरीकानि जिउ सान्थीनि सायाव बिबुंथि होनाय, जायगानि देंखोगिरिफोरनि जोहै भुपेन हाजरीकानि देंखो, मोसानाय, खन्थाइ आवययनाय बायदि हाबाफारि खुंफुंनाय जागोन। मख'नो गोनादि, बासुगाव दालाइ साहित्य सभा भवनआव खुंजानाय मेलयाव बासुगाव नेताजी सुभाष बिद्यानिकेतन गोजौसिन गेजेरि फरयसालिनि आजिरा मोन्नाय गोरयुं सपन कुमार बिस्वास, बासुगाव गोजौसिन गेजेरि फरयसालिनि आजिरा मोन्नाय बिबुंगोरा मीरा डेका, ओन्सोलनि देंखोगिरि अजित कुमार नन्दि, फोरोंगिरि तुसार कान्ति साहा, लाइमोन खन्थाइगिरि-थुनलाइगिरि जीतज्यति पातगिरि, पबित्र कुमार राय, खौरंगिरि ब्रुगुमनि रायमोनहा नुजाथि फैना नै बोसोन-बिथोनमाफोर होफैदों। बेनि सिगाडव ७ भुपेन हाजरीकानि जोनोम सान फालिनारनि आरजिनय-बाहायनायनि हिसाबफोरखौ बुंथिनानै होदों ७ भुपेन हाजरीका गोसोखां सरैखाथि आफादनि नेहाथारि सैलन दासआ।

बेसेन बांनायखौ लानानै एजिपि दोलोआ गोजेन्नाय गैयै फोरमायदों

जायगायाव पेट्रुलिनि बेसेनआ आसामनिखुइ 7 रां बांसिन बेसेन होन्नानै बिबुंथि होयो। गुबुन फारसेथिं उफ्रा बिसायख'थियाव दोलोनि सासेबो बिजाथि फसडैनि सोमोन्दै कमल कलिताआ बुडेदि, भवानिपुर बियाबनि मित्रजतनि बिजाथिखौ एजिपि दोलोनिक्राय बिसायख'थि गेलेनो खावलायदोंमोनब्लाबो बिजाथिया खावलायनायखौ नेवसिगारो। सिगां समावबो भवानिपुरनि अनगायै गुबुन बियाबफोराव एजिपिनि बिजाथि गैयैनि थाखाय मोनसे बियाबनि थाखाय दोलोआ सेलायलायनाय खालामा होन्नानै बिबुंथि होयो। मख'नो गोनादि, उफ्रा बिसायख'थिनि थाखाय फोसावदिबाय थानाय बारा' मन्थि एबा एजिपि दोलोनि गाहाय नेहाथारि कमल कलिता आरो आरो एजिपि दोलोनि लेडइ आफादगिरि दिलिप पातगिरि आरो कमलपुर बियाबनि बारा' एमएलए सत्यब्रत कलिताया रड्डियानि एजिपि दोलोनि मावथिफोरजों मोनसे सावरय जथुम खुडे।

बडाइगावआव दुर्गा फुजा फोर्बोनि गेजेरावनो बुथारनाय जाथाय

समाव नंज्जलायनाया जोबथा फारसे फेयो आरो गपाल बर्मनखौ गोबौ हाथियारजों गाग्लोबो। राजु महत मुनि सासे लाइमोनआ गोबौ हाथियारजों गाग्लोबनानै बर्मनखौ लामानि सेराव गारनानै गालाडे। बे जाथायनि बागै नख'रनि सुबुड खौरं मोन्नायनि उनाव बर्मनखौ देहा फाहामसालिसिम लांनाय जादोंमोनब्लाबो अदेबानि बर्मनखौ थैबाय होन्नानै देहा फाहामगिरिया नख'रनि सुबुंनो फोरमायथियो। राजु महत मुनि लाइमोनआ निसा मुवा जाग्रा लाइमोन होन्नानै ओन्सोलनि राइजो-राजाफोरा मिथिहोदों। राज मिस्ट्रि खामानि मावनाय राजु महतजों गपाल बर्मनआ खामानि मावफायोमोन।

भारतआव करना भाइरासनि सन्देरनाया 8 दाननिफ्रायनो बाडाय जाबोदों

खाथियाव केसखौ मोन्दोंब्ला गुबुन फारसेथिं गासै 18,582 सुबुंफोरा करनानिक्राय उदां जादों। बेनि अनगायै दासिमाव मोन्नाय गासै एक्टिभ केसफोरनि जौखोन्दोखौ नोजोर होयोब्ला बेयो आथिखालाव गासै 0.56 जौखोन्दोल' दड। आथिखालाव एक्टिभ केसआ गासै 1,89 लाखल' आद्रा दसै आरो थानाय 220 सानफोराव बेयो बयनिखुइबो खम अन्जिमा जादों। सप्ताहयारि पजिटिभिटि रेटआब गोखैयै दावख्लायनानै गासै 1.32 जौखोन्दो ल' दंसे जाय लान्थियै 115 सानफोराव 3 जौखोन्दोनिक्राय खम जादों। सानफ्रोमबोनि पजिटिभिटि रेटआव खम जानानै गासै 1.37 जौखोन्दोआल'नो फैदों। फारसेथिं करनानि गोदान केसफोराव खम जानायखौ नुनो मोन्दोंब्ला मुलुग फारसेथिं भेक्सिन थुनाय अभियानआव गोखैथि गनायनि जाहोनावबो रेहाया बांदों। दासिमाव हादतनाडै गासै 97.79 कौटिनिक्राय बांसिन भेक्सिनखौ थुनाय जाखांबाय। बे सप्ताहयावनो बेनि अन्जिमाया 1 आरबनि बांसिन जानो हागौ।

गोनोखोआरि नोजोरजों भारतआरी दर्शन

अनिल कुमार ब्रह्म

उल्ल डुराउआ बुंदों, “मोनफ्रोम गोनोखोया जागाय जेनो दर्शननि महाराव आरो जोबथा हैयो कलानि महाराव।” गोनोखोआ मुलुगआ मैखोम बिहोमा होनायनि सिगां धोरुम खाथि, थुनलाइ एबा दर्शनआ मानसिनि गोसोआव गोथोयै रोदा सुथाबनानै दंमोन। मिथिंगानि बाइदि बिखाथिखौ इसोरनि महिमा आरो बनि दैदेन्नायाव जिउ खुंनायनि लामाया सोलिदों होन्नाय फोथायथिया सुबुंनि जिउ खुंनायनि लामाया सोलिदों होन्नाय फोथायथिया सुबुंनि गेजेराव गोसार दोंमोन। भारतआव सोलेरारि (आत्मात्विक) सानथौया नखां नांगा नांगा गसंखांना गावनि अस्तित्वखौ फोसावदोंमोन। भारतआरी मोनसे गोखों दर्शन एबा फोथायथिया जादों-रोजा रोजा जोनोमनि फोन मोन्नायनि बिजाउनावसो मानसिनि जोनोम जायो। मानसिया मानसि महरै जोनोम लानायनि सिगां एमफौ-एनला एबा गुबुन जीब जानानै जोनोम लाग्रयो होन्नानै जौनि भारतआरी दर्शनआ बुडे।


भारतआरी दर्शननि गुबुन मोनसे गोनं बाश्नाया जादों-आत्माया शैनो रोड, बेयो जामा, जोबा। बे सानथौनिफ्राय डजि फिन्नाय सानथौ एबा अवतार बादआ फैदों। बेफोर सानथौफोरखौ गोनोखोनि नोजोरजों नाइब्ला एसेब्लाबो मोखथानि सैथो पंहर मोनो।

गोनोखोआ बुडे-लाथिख'मानि फिसानिखुइ फिसासिन बाहागोफोराव हाबखोमानै थानाय गोहोनि दारै गुन्द्रासा-गुन्द्रासानि जोनोम जादों। मुलुकमानि सोमजि खानाय रहस्यखौ बिग बेन बुंफोरलुनि दारै आथिखालनि गोनोखोगिरिफ्रि हमदांस'हरदों। बिग बेननि गोखों मतआ जादों- अरखि फिथरनिफ्राय गावसा बोनाय गोहो आरो दुइसिननिखुइ दुइसिन सेरेफआ समनि लोगो लोगो गुसु जानानै हाथरिखं, ग्रह बाइदिनि जोनोम होदों।

बेबादिनो सोरजि जादों-दिनेनिफ्राय 4600 निजुत बोसोरनि सिगां बे भुमआ 4000 निजुतनिफ्राय 3000 निजुत बोसोरनि सिगां बेक्टेरिया, बादामालि बाइदिनि जोनोम जानायसै। 1000 निजुत

बोसोरनिफ्राय ट्राइल' बाइट, जेलिफिस बादि हायाव रज'नाय गिबि बिफां, हायाव सोमजिनय सिनसि गैयै जीब, ना बादि सोमजिनयसै। फ्राय 400 निजुत बोसोरनिफ्राय देयावआर बोेरियाव थाग्रा, मानबायग्रा बादि जीब उजिनयसै। 235 निजुत बोसोरनिफ्राय 65 निजुत बोसोरनि गेजेराव बुहमाव गिखंथाव डाइन्'चरफ्रा राइजो खुंदोंमोन। फ्राय 200 निजुत बोसोरनिफ्राय आहार सोबग्रा जीब-दाव आरो बिबार बारग्रा लाइफांफोर सोमजिनो हमजेननायसै। 65 निजुत बोसोरनिफ्राय आथिखाल समनि जीबफ्रा उजिनो हमजेननायसै। जीबी देरसिनि मानसिनि बैसोआ 40,000 बोसोरनिखुइ बांसिन जानाय नड होन्नानै हमनाय जादों। डार उइनिनि तत्वनि हेफाजाबै मोनथिनो मोनोदि-से जीबिखियारी जीबनिफ्राय जैब गुस्ताइनयनि दारै बाइदि बिथिडाव गुरग'नानै आथिखालनि जीबीफ्रा उजिखांदों। बेबादि गुस्ताइनयाव गोबां जीब, लाइफांफ्रा सोरजि जादों एबा (7 बिलाइआव)

सिद्धार्थ शुक्ला आरु शेहनाज गीलनि गोदान देंखोआ अन्सायनाय मोन्दों



गोदान दिल्ली, 18 अक्टूबर : सिद्धार्थ शुक्लानि रंसारि जानाया माखासे सम बारलांबाय, नाथाय फेन्सफोर दिनेसिमबो बे नंगुबे बाश्राखौ गनायना लानो हायाखै। बिग बसनि न'आव सिद्धार्थ शुक्लाआ शेहनाज गीलजों लोगो जादोंमोन। बिसोर सानैनि केमिस्ट्रिआ औरैबायदिमोनदि फेन्सफोरा अराय सम बिसोरखौ लोगोसे नायनो उसु खुथुयै थायोमोन। बिग बसनि न'आवनो बिसोर सानैनि लोगोआ मोजां मोनलायनायाव सोलायवादां आरु बे समनिफ्राय लानानैनो

शेहनाजनि समायना केमिस्ट्रिखौ नुनो मोन्दों। पस्टरअवा सिद्धार्थ शुक्लानि फेडेड सावगारिखौ नुनो मोन्दों आरु बिगो शेहनाज गीलनि गन्थंखौ हमनानै बोदों। बिसोर सानैखौ बे सावगारियाव गोबां किउट नुदों। बे देंखोनि पस्टरखौ सेयार खालामनानै गिदिर समायना लाइन लिरदों। मोनसे आद्रा देंखो मोनसे आद्रा थायान सल। मख'नो गोनांदि, बे देंखोखौ श्रेया घषालआ रोजाबदों आरु देंखोनि पस्टरखौबो बिगो सेयार खालामदों। □


पुजा बेदी आरु बिनि आस्थाम सोनाय लोगोनाव कभिड 19 पजिटिभ केस मोन्दों

गोदान दिल्ली, 18 अक्टूबर : करना भाइरासनि जेंनाया आथिखालाव हादतआव खम जालांगासिनो दड। दासिमबो फासैथिं बेनि केसआ सोराडव फेयो। मख'नो गोनांदि फावखुंग्रि पुजा बेदीनि कभिड-19 नि टेस्टआ पजिटिभ फेदों। बिगो मोनसे भिडियखौ सेयार खालामनानै बेनि खौरांखौ होदो। बिगो फोरमायदोंदि, जागाय जेंनायाव गावनियाव गुजुन्नाय आरु गगा मोन्नायजों सोमोन्दो गोनां एलार्जी जादोंमोन। जेब्ला गाव लोमजादों अब्ला टेस्ट खालामनानै थांखि लादों। पुजा बेदीजों लोगोसे बिनि आस्थाम सोनाय हौवा आरु हाउस हेल्पखौबो करुनाया गावनि बेंखनथायाव लादों। भिडियआव पुजाया बुंदोंदि, आंनि टेस्टआव पजिटिभ फेदों। थांनाय माखासे सानफोरनिफ्राय आंनि गोदोनायाव एलार्जी जादोंमोन। आं आंनि आलमासिखौ साखोन सिखोन खालामदोंमोन। बे समावनो आं एलार्जी जादों होन्नानै हमदों आरु बेनि उनाव लोमजादों। टेस्ट खालामनानयनि उनाव आंनाव करुनानि लोक्षोन मोन्नाय जादों। आं गसिबो रैखाथिनि रहाखौ गनायना लादों। पुजा बेदीआ बुंवावदों जां मोनथिनांगौदि भेक्सिन फेनायनि सिगां जाय सुबुंफोरा करुनानि बेंखनथायाव फेदों बेनि गेजेराव गासै 99 जौखोन्दो सुबुंफोरा रैखाथि मोन्दों आरु भेक्सिन फेनायनि उनाव गासै 99 जौखोन्दो सुबुंफोरा रैखाथि मोन्दों। जां गिनायनि अनगायै रैहाय मोनगोनखौ गनायना लानाया गोनांथार। बिगो केप्सनआव लिरदों थारैनो आंनाव कभिड पजिटिभ जादों। आं भेक्सिन थुजायैनि थांखि लादों आरु बेगो आंनि गावयारि थांखि मानोना आं हास्थायोदि आंनि नेसुरेल इमिउनिटि आरु बेलेन्स प्रेक्टिसआ आंखौ मोजां जानायाव मदत खालामगोन। पुजा बेदीआ फोरमायबावदोंदि गाव ताजा फिथाइ, स्टीम कार आरु गुबुन नख'रारि रहाखौ बाहायदों। □

गाहाम देहानि राहा


खान्थाल बेगरआ देहानि बांबोनाय कलेस्ट्रलखौ बाडइ खालामो

भारतजों लोगोसे मुलुगनि गोबां हादतफोरव खान्थालनि आबाद मावो। बेयो दैज्लां बोथोरनि रोखोमसे फिथाइ जायखौ ऑंखिबो संनानै जायो। खान्थालआ देहानि थाखाय मुलाम्फा गोनां। बेयाव एन्टि अक्सिडेन्ट एन्टिबैक्टेरियल एन्टि डायबिटिक एन्टि इमप्लेमेंटरि आरु एन्टि हेलिंस्निथिक्स गुन मोन्नाय जायो, जाय माखासे बेरामफोराव गुन गोनां। जरखायै डायबिटिसनि थाखाय खान्थालआ गोबां जरखायै डायबिटिसनि थाखाय खान्थालआ गोबां मुलाम्फा गोनां। बेयाव हिम्लबनिनि ग्लाबेसनखौ होबथानायनि गोहो दड। बेयो खान्थालआव थानाय लाइकपिन, एसिड केरटिन आरु एस्कर्विक एसिड थानायनि जाहोनाव जायो। मोनसे संदानायाव मिबथिनो मोन्दोंदि, खान्थालआव एन्टि डायबिटिक बायदि खामानि मावो। फासैथिं खान्थाल बेगरआबो देहानि थाखाय



मुलाम्फा गोनां। खान्थाल बेगरखौ नेमखान्थि बादिथै जायोब्ला, माखासे बेरामफोरा थाबैनो मोजां जायो। जरखायै कलेस्ट्रलआ गोबां जायोब्ला बेखौ सामलायनायाव खान्थाल बेगर मुलाम्फा गोनां, बेनिनो माखासे मिथिनो गोनां खौरां- (1) खान्थाल बेगराव सेपनिन मुनि तत्व मोन्नाय जायो, जाय कलेस्ट्रलखौ सामलायनायाव मदत होयो। बेनि थाखाय खान्थाल बेगरखौ रुनानै जायोब्ला साबसिन जायो। फासैथिं बेखौ ऑंखि संनानै आरु बाथोन खालामनानैबो जानो हायो। (2) खान्थाल बेगराव डायटरी फाइबर मोन्नाय जायो जाय उदैन थाखाय मुलाम्फा गोनां। बेखौ जायोब्ला दोगोन बिखाथिथाय गोखों जायो। फासैथिं उदैन जेंनाफोरखौ जानगार खालामनायावबो खान्थाल बेगरा हेफाजाव खालामो। खान्थाल बेगराव गोबां बिबांनि आइरनबो मोन्नाय जायो, जाय देहा सोलेरनि थाखाय मुलाम्फा गोनां, जाउनाव डाक्टरफोरा डाइटआव खान्थाल बेगरखौ जानो थाखाय सुबुरुन होयो। □

हेमा मालिनीआ नआवनो गावनि जोनोम सान फालिदों



बलिउड डेस्क, 18 अक्टूबर: हेमा मालिनीआ 16 अक्टूबरखालि गावनि जोनोम सान फालिदों। बिगो 73 बोसोर बैसोनि जाबाय। बे खाबुआव मुलुगनाडैनि फेन्सफोरा बिनो गाहाम हामलायथि जासिहरदों। आथिखालाव हेमाया गावनि जोनोम साननि फोर्बो फालिनायनि सावगारिफोरखौ ससेल मिडिया एकाउन्टआव शोयार खालामदों। बिगो न'आवनो जोनोम सान फालिदों। बे समाव धर्मेन्द्र, फिसाजो इशा देअल, सावथुन मेकार रमेश सिप्पी आरु रज्जय

मलाइका अरड़ाया नरा फतेहीजों सोलेन्स होनो थियारि जादों

गोदान दिल्ली, 18 अक्टूबर : फावखुंग्रि मलाइका अरड़ाया फेन्सफोरखौ गोमो होदों। बिगो फुंनि समावनो गावनि इन्सटग्राम एकाउन्टआव मोनसे डान्स भिडियखौ पस्ट खालामदों। इन्डियान बेस्ट डान्सर 3 आब जाज महरै नुनो मोन्नाय मलाइकाखौ नुनानै हमदानो हायोदि बिगो डान्सि कुइन नरा फतेहीखौ सेलेन्स होनायनि मुडनाव दड। मानोना थांनाय सानफोराव टेरेन्सनि सानफोराव मलाइका आरु नराखौ गोबां रुजुनायाव जादों। गावनि पस्टखौ सेयार खालामनानै मलाइकाया के पसनआव लिरदों साफ्रोमनोबो गुडमनि (ईआ मानिना लायोनि जां साफ्रोमबो देहाखौ कन्ट्रल खालामनानयनि केसआव सांफ्राइ थायो, जां साफ्रोमबो गोसो होसारनानै मो साना गौ। #MalaikasMove of the week आव बेनिथाखायल' गोमोथाव नड मानोना बे डान्सआ गावनि मुबखौ गावनो सोलिनायनि



अपसन होयो। गाव गावनि देंखोखौ खोनासंनान्गौ, आंनि आरु @ sarvayagastudios सेटेक खालामनानै गाव गावनि मुवाफोरखौ दैथायहरनो हागोन। फासैथिं थांनाय दानफोराव इन्डियान बेस्ट डान्सर 2 नि सेटआव मलाइका अरड़ाया गावनि उफ्रा मुंखौ फोरमायदों। नागालेन्डनि थागिबि मेइतेम्सु नागाया अडिसन राउन्डयाव इस्क वाला लाबआव दोहौ गोनाडै परफर्म खालामदोंमोन। गावनि दिन्थिफुन्नायनि उनाव मेइतेम्सुआ जाजफोरनो फोरमायदोंदि, गाव हिन्दी बुंनो रोड आरु इरांजि एबा गावनि बिमानि राव नागामीआवल' बाश्रा राइज्लायनो हायो। मेइतेम्सुनि मुंखौ जाजफोरा बुंनायाव जेंना जादोंमोन, बे समावनो बिगो जाजफोरखौ मिमी होन्नानै गाबचि नो थाखाय थिनो आरु बिगो गावनि उफ्रा मुं होन्नानै फोरमायो। बेखौ खोनानाय लोगो लोगोनो मालाइकाया बुंदोंदि, गावनि उफ्रा मुडबो बेबादिनो मोन। मानोना बिगो गावनि नख'रनि सुबुंफोरनि गेजेराव मिमीनि मुंखौ मोनथि जायोमोन। मलाइकानि उफ्रा मुंखौ खोनानायै जाजफोराबो गोमोयो। फासैथिं मलाइका अरड़ाया गावनि केप्सन स्टाइल आरु वाकिं स्टाइलखौ लानानै अराय सम खौराडव थायो। बे खेबआव बिगो गावनि एयारपर्टनि लुकखौ लानानै फेन्सफोरनि गेजेराव सौराडव थादों। मलाकाखौ कुल आरु केजुएल लुकआव एयारपर्टआव स्पट खालामनाय जादों। बिगो गोबां आलादा आखुआव पेपराजीनि सिगाडव फेदों आरु अरायसमनि बायदिनो सावगारि सेबखांजादों। □

अम पुरिया 6 बोसोर बैसोआव न' गैजायै जादोंमोन

गोदान दिल्ली, 18 अक्टूबर : गावनि मोजां फावजों नायगिरिफोरनि गोसोआव जायगा बानायनो हानाय अम पुरिनि 71 थि जोनोम सानखौ 18 अक्टूबरवाव फालिनाय जादोंमोन। अम पुरिया गावनि फावनि गोहोजों नै खेब नेसनेल फिल्म एवार्ड, पद्मश्री एवार्ड आरु लाइफटाइम एचिवमेन्ट एवार्डखौ मोन्नो हादोंमोन। आथिखालाव गोबां खम सुबुंफोरा बेखौ मोनथियोदि अम पुरिनि उन्दै समआ गोबां निखावरिजों बारबोदों। 6 बोसोर बैसोनिफ्राय जागायजेन्नाय जिउनि जेंनाया बिनि फावखुंग्रि जानायसिम सोलिबोदों। मख'नो गोनांदि, अमनि नख'रनि सुबुंफोरा गोबाव समनिफ्राय निखावरि जानायजों भुगिबोनादों। निखावरि जानायनि जाहोनाव बिनियाव जोनोम साननि फोरमनलाइबो गैयामोन, जायजों बिनि जोनोम सानखौ मोनथिनो हायो। अमनि बिमाया बिखौ बुडोमोनदि बिगो दुर्गा फुजानि 2 सान सिगां जोनोम जादों। जेब्ला बिखौ फरायसालिआव मुं थिसनो अब्ला बिनि बिबयैआ बिनि जोनोम सानखौ



9 मार्च 1950 लिरदोंमोन। गिदिर देरनायनि उनाव जेब्ला अम पुरिया मोनथिनो हास्थायो अब्ला बिचयो मोनथियो मोनोदि, 1950 आव दुर्गा फुजाया 24 अक्टूबरआवमोन। बेबायदियाव बिनि जोनोम सानआ 18 अक्टूबरमोन। अम पुरिनि बिफाया मोनसे मुगायाव रेलवे आरु आर्मिआव हाबाफारि मावोमोन। जेब्ला अमआ 6 बोसोरनि जायो अब्ला बिनि बिफाखौ सीमेन्ट खाननायनि दायआव जेलआव सोदों। बिफाया बे थांनायनि उनाव अम आरु बिनि नख'रनि सुबुंफोरा न' गैजायै जायो। न'नि खरसाखौ सालायनो थाखाय अमआ साहानि दकानावबो दोख्ला सुनो ह्मो आरु बिनि फंबाइआ थफ्ला थिखोग्रा जायो। न'नि खरसाखौ सालायनो थाखाय अमआ

दा चलेन्ज सावथुनखौ आबुं महर होनो अख्रामा स्टेसनआव सुटिं खालामबाय

गोदान दिल्ली, 18 अक्टूबर : मुलुगनाडैनि सावथुन मेकारफोरा लान्थ्रयै गोदान आयदाफोरव सावथुन बानायनो नाजाबाय थायो। नाथाय आथिखालाव मोनसे औरैबायदि सावथुनआ सोराडव फेदों जाय थि समाव जारिमिनारि जादों। बे सावथुननि मुडा जादों दा चलेन्ज। बावैसो समाव बे सावथुननि रेप अपखौ सेलिब्रेट खालामनाय जादों, नाथाय थारैनो बेबायदि मा जाया जाय बे सावथुनखौ जरखा फोरमायो? दा चलेन्जनि

सल'आ सासे औरैबायदि डाक्टरनि सोमोन्दै जादों, जाय सासे एस्ट्रनटनि जिउखौ रैखाथि होनो थाखाय स्पेसआव थायो आरु बेवहायनो बिनो फाहामथाय होयो। फासैथिं बे सावथुननि सुटिंखौ स्पेस एबा अख्रामा बानायनायनि जाहोनावनो बे सावथुनखौ जारिमिनारि बानायनायनि बाश्रा बुंनाय जादों। मुलुगआव बेयो गिबि सावथुन, जायखौ अख्रामायाव सुट खालामनाय जादों। रिपर्टनि बायदिब्ला, सावथुनआव राशियानि फावखुंग्रि इउलिया पेरिसिलडआ

बिग बस 15 नि श्व'नि समावनो आयशा अय्यारखौ इशानआ जुलनि प्रपज होदों

गोदान दिल्ली, 18 अक्टूबर : बिग बस 15 नि लेटेस्ट वीकेन्डनि बारआ गोसोआव थाथाब समफोरजों बुंफनयाव जादों मिउजिक, ड्रामा आरु रंजनायनिफ्राय लानानै एक्सनखौ एपिसडआव नुनो मोन्दों। बे एपिसडआव मोनसे प्रपजालखौबो नुनो मोन्नाय जादों, जाय माखासे सुबुंफोरनि गोसोखौ गलिहोदों। एपिसडनि समाव शमिता शेट्टि आरु बिशाल कतियननो मोनसे रैडिय श्व' दा अक्का अन्ना श्व'खौ खुंनानयनि हाबाफारि होनाय जादों। बे समाव शमिला आरु बिशालआ माखासे न'नि सुबुंफोरजों बाश्रा सावरायदों आरु बिसोरखौ जंखायदोंबो। बेफोर गसिबो रंजनायनि गेजेराव इशान आरु आयशाखौ गावसोरनि फिलिंखौ फोरमायनो थाखायबो बुंनाय जादों। इशानआ श्व'नि गेजेराव फेनानै साफ्रोमबोनो फोरमायदोंदि, श्व' आरु प्लेटफर्मआ गावनि थाखाय गोबां गोनांथार जादों। बिगो गावनि जिउआव माब्लाबाबो श्व'आव सोरखौबा मोजां मोनगोन होन्नानै आसा खालामखैमोन लोगोसेनो बिगो फोरमायदोंदि, माखासे नखरनि सुबुंफोरा श्व'खौल' मोन्दों, नाताय

गावनि याव मोनै बेसेन गोसा मुवा दड आरु बेनो जादों बिग बसनि न' आरु आयशा। साफ्रोमबो बादायारिफोरखौ खुसि जानाय नुनो मोन्दों मानोना इशानआ हान्थु खरयनानै आयशाखौ प्रपज खालामनो थाखाय थादोंमोन। इशानआ आयशानि मेगनआव नायनानै बुंदों। जाय कानेक्सनखौ आं नोंजोरजों लोगोसे हमदाडो। बेखौ आं रावजोंबो लोगोसे हमदाडोखै। आं नोंखौ गोबां मोजां मोनो आयशा, मा नो मिशान जागोन ना? आयशाया इशानखौ गोबायो आरु खेबथाम खोमायाव आइलाभ इउ बुडो। साफ्रोमबो बेनि सुबुंफोर बिसोरनि थाखाय आखायखबो। बेनि उनाव बिसोरो इस्क बाला लाभ देंखोआव मोसायो। उनाव फराह खानआ स्पेशेल गेस्टनि महरै स्व'आव हाव फेयो आरु बिगो जौसाडव हस्ट खालामनाय सलमान खानजों लोगो ह्मो। जेब्ला सलमान आ आयशानो इसाननि प्रपज होनायनि सोमोन्दै फराहहो फोरमायो अब्ला बिगो बुडोदि सोरबाया एसेबं थाबैनो माबोरै मोजां मोन्नो हायो। बिचयो जंखायनाय रावैनो बुडो गिबि नोजोराव मोजां मोनलायखौ खोनादोंमोन, नाथाय गिबि हरआवनो मोजां मोन्दों। □

ताइवानाव आमेरिकानि दावहारु जाहाज दैथायहरनायखौ चीनआ गोख्रों हेंथा होदों

गोदान दिल्ली, 18 अक्टूबर : चीन आरो ताइवाननि गेजेराव जेंनाफोरा बांसिन गसिनो। चीननि सान्थिया थांनाय सप्ताहयाव ताइवाननि लैथोमा लामाजों दावहारु गाथोन दैथायहरनायनि थाखाय जुथाय राइज्यो आमेरिका आरो कानाडाखौ सोंखारिदों आरो बुंदोंदि, दरनैबो हादतनि मोजां फालांगिफोरा, बे ओन्सोलनि गोजोन आरो दिदोमथिखौ गोख्रेंथैनो जेंनायाव खोलैयेंदों। ताइवाननि लैथोयाव 180 किल 'मिटर गुवार जाय ताइवान आरो महाद्वीप हाञ्जा एसियानि द्वीपखौ आलादा खालामो। बेयाव चीन आरो ताइवाननि नेभि आरो कसगार्डनि जाहाजफोरा पेट्रॉल खालामो। मख 'जाथावदि इएस नेभीनि डिस्ट्रार इएसएस डेबि (डिडिजि 105) आरो स्याल केनेडियान नेभीनि फ्रिगेट एचएमएसिएम विन्निपेगआ 1.5 अक्टूबर ताइवाननि दै लामाजों रावना होलांदोंमोन। चीननि पिप्लए इस्टार्न थिएटार कामान्डनि सासे बुंथिगिरिया



मोनसे फिन्नायाव बुंदों, पिप्लएनि इस्टार्न थिएटार कामान्डआ फुर जाथायाव गंनै दावहारु गाथोनखौ ट्रेक आरो नोजेर लाखिनो थाखाय गावनि नेभि आरो अखांमा सान्थिखौ दैथायहरदों। सिनियर कर्नेल सी यामा बुंदोंदि, ताइवानआ चीननि बाहगो। पिप्लए इस्टार्न थिएटार कामान्डनि सान्थिया जेब्लाबो

हाइ एलार्टाव थायो आरो गासैबो खैफोद आरो थुनज्जायनायजों मोगा मोगि खालामोनो थाखाय थियारि। ताइवाननि दै लामायाव जेंनाया बांभोगासिनो। ताइवाननि अखांमा रैखाथि ओन्सोलाव सानफ्रोमबो हाबहैनायजों लोगोसे चीनआ ताइवाननि हेंथायै राजखान्थियारि नारसिन्या

आरो सान्थिनि जेंनाखौ बांहोनायनि उनाव दै लामायाव नोजेर होदों। बेनि सिगां थांनाय दानआवबो चीननि सान्थिया मोनसे फिन्नाय फोसावनानै बुंदोंमोनदि, बियो ताइवाननि दै लामाजों थांनाय गंसे ब्रिटिस दावहारु गाथोनखौ ट्रेक खालामनानै बेनो सांघ्रांथि होदों।

मुलुगनि गिख्रंथावसिन अरनबारि: बेयाव थाडोब्ला गिदिंबोफिनो गोब्राब

गोदान दिल्ली, 18 अक्टूबर: बुहुमआव गोबां गिथावना आरो रहश्य गोनां जायगा, मुवा-बेसादफोर दड। बिगियानगिरिफोरनि संदानाय आरो सोमोनांथाव दिहुन्थायफोरनि उनावबो आथिखालाव माखासे एरैबादि सुखांजायै रहश्य गोनां जायगाफोर दड, जेराव सुबुंफोरा थांनो गिखाडो। मानोना बेयाव थांग्राफोरा रावबो गिदिंनानै सौफैफिनाखै। बेनो जादों रमानियानि हया बस्यु, बेयाव थांनाय सासेबो सुबुंडानो गिदिंनानै सौफैफिनाखै। हया बस्युआ मुलुगनि दरसे गिख्रंथावसिन अरनबारि, बेयो ट्रान्सल्बेनिया राइज्योनि क्लुज काउन्टीआव दड। बे अरनबारिआव जानानै थांनाय रहश्य गोनां जाथायफोरखौ नोजेर होनानै बेखौ ट्रान्सल्बेनियानि बारमुडा ट्रांगल मुंबो होनाय जादों। सुलुनि बादिब्ला, हया बस्युखौ मुलुगनि बयनिखुइबो गिथावनासिन दरसे अरनबारि



गानयानानै लायो। बेखौ बारमुडा ट्रांगल आरो ट्रान्सल्बेनियानि तुकण बायदि मुडैबो मख 'नाय जायो। बे अरनआव बिफांफोरखौ लारि-लारि आरो गिदिं-गिदा नुनो मोनो, बेफोरखौ सानुं दुंनय समावबो

गिथाव-बाथाव नुनो मोनो। बे जायगाखौ सुबुंफोरा हउ एफआ आरो भुट-फेटाजोंबो रुजुयो। बे अरनबारिनि साखाथियाव राइज्यो जानाय सुबुंफोरनि बादिब्ला, गावसोरो गोदो-गोदाय, आजौ-आजैमोननि दिननिफ्रायनो बे

बाथाफोरखौ खोनाबोदों। खोनानाय बादिब्ला, सासे सुबुंडा बे अरनबारिआव हाबहैनाय लोगो लोगो गोमोरहैदोंमोन। गोमोथावदि बिजों लोगोआव मा 200 बोरमाफोरबो दडमोन।

चीननि हाइपारसनिक मिसाइलनि आन्जाद नायनायखौ आमेरिकाया गिखांदों

बेइजिं, 18 अक्टूबर: चीनआ हाइपारसनिक मिसाइलनि आन्जाद खालामनायजों आमेरिकाखौ गोमोहोदों। सुलुनि बादिब्ला, चीनआ बे आन्जादजों लोगोसे मोनसे अखांमायारि मिसाइलनि सायाव आन्जाद खालामदों। सुलुडाव फोरमायनाय बादिब्ला, बेइजिंआ थांनाय आगस्ट दानआव मोनसे गुन्दासा मिसाइल लन्व खालामदोंमोन, जाय थांखिसिम सौहैनायनि 32 कि:मि: जान्थायाव फेलें जाहैदोंमोन। खौराडा फोरमायनाय बादिब्ला, हाइपारसनिक ग्लाइडखौ लं मार्च रकेटनि गेजेरजों लांनाय जादोंमोन, जायनि लन्व खालामनायखौ सरासन्नायै

फोसावनाय जायो। अब्लाबो बेनि आन्जाद नायनायखौ सोदयै लाखिनाय जादोंमोन। रिपर्टआव फोरमायनाय बादिब्ला, चीननि हाइपारसनिक हाथियारनि सायाव आन्जाद नायनाय एबा दावगानायखौ लानानै आमेरिकानि संगालिफोरखौ गोमो होदों। चीनजों लोगोसे आथिखालाव आमेरिका, रासिया आरो मुलुगनि गुबुन दर 5 हादरफोरा हाइपारसनिक टेक्निकनि सायाव हाबा मावगासिनो दड। हाइपारसनिक मिसाइलआ एरैबादि गोहो गोरदि, जाय सरासन्ना मिसाइलफोर बादिनो गुन्दासा हाथियारखौ खम समनि गेजेराव थांखिनाय जायगासिम सौहैहोना हायो,

सोदोब गोमखांनायनि 5 फान गोख्रेंथियाव थांखिसिम सौहैनायाव जाफुंसार जायो। बेलिस्टिक मिसाइलआ थांखिसिम सौहैनायाव अखांमायाव जौसिनै बिरनो हायो। मोनसे हाइपारसनिक मिसाइलआ बारमन्डलनि गाहाय खोलोबआव बिरनो हायोब्लाबो थांखिसिम सौहैनायाव गोख्रेंसिनै हाबा मावो। सिआरएस रिपर्टनि बादिब्ला, चीनआ हाइपारसनिक आरो गुबुन गुबुन मोनथाम टेक्नलजिआव आमेरिकानि मुलाफ्फानिफ्राय रैखाथि होनायनि थांखिजों मिसाइलनि थाखोआव जौगानांगौखौ गोनांथि होदों।

काश्मीरआव गुबुन राइज्योनि लेबारफोरनि सायाव उतरखारिफोरा गाग्लोबदों: सा 23 गुबुन राइज्योनि लेबारफोर थैबाय

गोदान दिल्ली, 18 अक्टूबर: उतरखारिफोरा काश्मीरआव थांनाय 24 घन्टायाव गुबुन राइज्योनि लेबारफोरखौ खेबथाम गाग्लोबदों। रबिबारखालि बेलासिआव खोला काश्मीरनि कुलगामआव उतरखारिफोरा गंसे न'आव हाबनानै थांखियालासे गुलि गावनायाव बिहारनि सानै सुबुंफोरा जायगायावनो जिउ गोमायो आरो गुबुन सासेआ गोब्राबै जौखोम जायो। दासिमआव मोनसेबो उतरखारि हाञ्जाया जाथायनि बिबानखौ लायाखै। रैखाथि हाञ्जाया गाग्लोबग्राफोरखौ

नायगिरनायाव नांथाबदों। बेनि सिगांबो उतरखारिफोरा शनिबारखालि श्रीनगर आरो पुलवामानि मोननै दाब-दाब जायगायाव बिहार आरो उत्तर प्रदेशनि सानै लेबार मावग्राखौ बुथारदोंमोन। मिथिनाय बादिब्ला, रबिबारखालि बेलासिनि 6:00 रिंगायाव हरखाबै लारन गाजीपीरा ओन्सोलाव सानै साथाम उतरखारिफोरा न'आव हाबो आरो न'आव जिरायगासिनो थायाय लेबारफोरखौ गुलि गावो। गुलि गावनायाव सानै लेबारफोरा जायगायावनो जिउ गोमायो आरो



गुबुन सासेआ गोब्राबै जौखोम जायो। थैनाय सुबुंनि मुंखौ राजा ऋषि देव होन्ना जेबो खौंरं मोन्नाय जायाखै। थांनाय 11 साननि गेजेरावनो मोनथाम गिदिंर गाग्लोबदों।

जौखोम जानायनि मुंखौ चुनचुन ऋषि देव होन्ना जेबो खौंरं मोन्नाय जायाखै। मेडिके ल कलेज,

अनन्तनागआव थिसन्नाय जाबाय। जाथायनि उनाव ओन्सोलाव माहारियारि राफिल्स, सिआरपिएफ आरो जम्मु-काश्मीर पुलिसआ ज। थ। य। थि। ल। ख। नै नायबिजिरनायनि अभियान जागायबाय। उतरखारिफोरखौ जेबो खौंरं मोन्नाय जायाखै। थांनाय 11 साननि गेजेरावनो मोनथाम गिदिंर गाग्लोबदों।

ब्रिटेनआव गांसे लटारि टिकेटआनो बिसि-फिसाइनि गेजेराव गावस्त्रानाय लाबोबाय

लन्डन, 18 अक्टूबर: ब्रिटेनआव गांसे लटारि टिकेटआनो बिसि-फिसाइनि गेजेराव फाथै लाइ बिसिलायनायनि जाहोन जादों। सानै बिसि-फिसाइनाव 31 कौटि रनि लटारि नांदोंमोन। नाथाय देरहादोंब्लाबो बिसोरो जेन्नांगौ जानानै फैयो, मानोना बिसोरो गावसोरनि देरहानाय लटारि टिकेटनि फोरमान होनायाव फेलें जायो। सानै बिसि-फिसाइआ देरहानायनि मोन्नांगौ मोन्थायखौ लानानै बिजिससालिनि रहा लादोंब्लाबो फोरमाननि जाहोनाव रहा गोथे जायो। लटारि कम्पानीआ देरहानाय बान्थाखौ मोन्नायनि थाखाय टिकेट गथायनांगौनि गोनांथिथार फोरमायदों। सुलुनि बादिब्ला, मार्टिन आरो के टेटआ 2001 नेसनेल लटारि जाखानायनि 6 दाननि उनावसो गावसोरनि 3 मिलियन पाउन्ड (31 कौटि रं) लटारि जाखानायखौ मिथिनो मोन्दोंमोन। बिथांमोनहा गावसोरनि देरहानायखौ




मोन्नांगौनि थाखाय लटारि कम्पानीजों सोमोन्दोआव फेदोंब्लाबो लटारि टिकेटखौ दिन्थिनायाव फेलें जायो। बिथांमोनहा कम्पिउटर रेकर्ड बायदिनि गेजेरजों गावसोरनि देरहानायखौ फोरमान होनो

नाजादोंब्लाबो कम्पानीनिफ्राय नेमबादिदै टिकेटनि फोरमान बिनायाव मोन्नांगौ बान्थानिफ्राय जानगारनांगौ जायो। कम्पानीनिफ्राय बान्थाखौ मोन्नांगौनि दाबिआ जोबनानै फे नायाव बिथांमोनहा

बिजिरसालिनि के सखौ बोखानानै लाफिनो आरो सानैनि गेजेराव गोसो बायनाय थासारि सोमजिनायजों फाथै लाइ बिसिलायो। सानै बिसि-फिसाइआ बिजिरसालिआव गावसोरनि बायनाय टिकेटनि जाहोनखौ फोरमायनाय गावसोरनि बायनाय टिकेटनि ओन्सोलारि गलानिफ्राय कम्पिउटरआव थायाय रेकर्डखौ 30 साननि गेजेरावनो कम्पानीसिम रिपर्ट होनांगौखौ गोनांथिथार खालामनाय दडमोन।

इउर'पआव इयुननि इन्टारनेट बानायनो साखा-फारा जादों फेसबुकआ



गोदान दिल्ली, 18 अक्टूबर : इयुननि इन्टारनेटखौ थियारि खालामनो थाखाय फेसबुकआ इउर'पिय इउनियनआव गासै 10,000 सुबुंफोरखौ थिसन्नो फोसावदों। फे सबुकआव बुंदोंदि, बियो इउर'पिय इउनियनआव मेटावर्स मुंखौ

वाचुंएल रियलिटी भार्जन थियारि खालामनो थाखाय थिसनगोन। फेस बुकनि बुंनय बायदिब्ला मेटावर्सआ इयुननि इन्टारनेट जागोन। कम्पानीनि सिइअ मार्क जकाबर्गआ माखासे खेब मेटावर्सनि बाथाखौ बुंदों जाय मोगथाडरि

आरो डिजिटल मुलुगनि गेजेरनि जानायखौ फोजोबस्रानायनि बाथा राइज्जायो। बेयो ओरैबायदि टेकनिक, जायनि गेजेरजों इयुनआव डिजिटल मुलुगआव बाचुंएली हाबनो हागोन। खौरांनि बायदिब्ला बेखौ ओरैबायदि हमदांनो

हागोन जेरै सोरजोंबा बाथा रायज्जायोब्ला बियो खाथियावनो जिरायदों जेरै मोगथाडव सानै सुबुंआ इन्टारनेटनि गेजेरजों गोबां गोजाननिफ्राय सोमोन्दो लायो। फे सबुकआ मोनसे बलग पस्टआव बुंदों मेटावर्सआव क्रियेटिभ, समाजयारि आरो रांखान्थि आयदाया गोदान आयदियाखौ लाबोनायनि आसा दड। इउर'पिय इउनियननि सुबुंफोरा बेनि थाखाय जागायजेनायनिफ्राय थियारि खालामगोन। जों इउर'पिय इउनियनआव गासै सा 10,000 सुबुंफोरखौ थिसन्नायनि यजनाखौ फोसावदों। जायखौ फेनो गोनां 5 बेसोरनि उनाव मावफुंनय जागोन।

गोनोखोआरि नोजोरजों भारतआरी दर्शन

(5 बिलाइनिफ्राय) गोमा लादों होनानै सानजायो। बिग बेननि गिख्रंथाव अरनिफ्राय गेस, गुबुन गुबुन गुदि मुवाफ्रा सेरजि जानानै जीब डजिनि गुदि गुन्दा हाइड्रजेन, कार्बन, अक्सिजेननिफ्राय एमिन' एसिद आरो प्रटिननि

सोमजि खानाय फेदों। बेनिफ्राय नुनो मोनोदि मोनसे ग्रहनि गासिबो गुन्दामाफोरनि गुदि मोदोमनि ज'खाया मोनसे दिदोम एबा अरायथा। बोसोरनि गुबुन गुबुन रासायनिक जाथाय आरो फिन जाथायनि बिजाउनाव मोनफा मोनफा बेसात एबा

खौसे मुवा सोरजि जादों आरो मोनफा मोनफा बेसातनि मानआ बाडय जालादों। निउटननि मुलकनां गोहो बुथुमनि बुंफुरलनि दरै जों मोनथिनो मोनोदि गोहोनि सोरजि गैया आरो जोबस्रानायबो गैया। बैखौ खालि मोनसे गोहोनिफ्राय गुबुन

मोनसे गोहोआवल 'महर सोलाइ होनो हागौ। जिहेतु गोहोआ गुदिनि सुफुं ग्रा, नंखायनो गुदि मुवाहाबो जोबस्रानाय गैया। जैब रासायनिक मुवाफोरहाबो थांखि खानाय ज'खा दं। जुदि रोखोमसे जैबिक जीबीनि बे

ज'खाया बाराय लाडे, अब्ला थारैनो गुबुन जैबिक जीबीनि ज'खाया खमाय लांगोन। थिक समानै दोन्नाय सेर-फाला दान्दा बादि। समनि लोगो लोगो मोनफा मोनफा जैब रासायनिक गुदि ज'थाया गुबुन गुबुन महर लानो हायो। गुन्दामाखौ सोलेर

(आत्मा) होन्नानै हमनायलाब्ला सोलेरा अराय बोहैथि, बेखौ गनाय नांगोन। मानोना गुन्द्रमाया अराय बोहैथि। बेबादिनो सोलेरा गुबुन गुबुन महर लानानै अराय सैथोखौ सिमान जागासिनो दं। सोलेरा लाइफां फोरावबो हाबसन्ना दं,

मानोना बोसोरहाबो जिउ दं। बे सैथोखौ जगदीश चन्द्र बसुआ फोरमान खालामना दिन्थि लांबाय। बे सोलेर (आत्मा) खौ जोबोर फिसा सानगुदि हमनाय जादों। बेनो जीउनि गोहो। बेखौ गुन्द्रमा बुनो हागौ। (उन बिसानाव)

बुन्देस लीगा: बेयार्न मिउनिकआ 5-1 गलजों बेयार्न लेभारकुसेनखौ फेजेन्दों

बार्लिन, 18 अक्टूबर: बुन्देस लीगानि मोनसे बादायलायनाय मेचआव बेयार्न मिउनिकआ 5-1 गलनि फारागथिआव बेयार्न लेभारकुसेनखौ फेजेन्दों पइन्ट फारिलाइनि गिबि मासिखौ बरुसिया दर्तमुन्डिनफ्राय सेनानै लानो हायो। मख'नो गोनांदि, बेयार्न मिउनिकआ गासैबो गलखौ गिबि हाफआवनो सोनो हादों मोन। रबार्ट लिभनडेस्कोआ 3 आरों 30 मिनिटआव, थमास मुलारआ 34 मिनिटआव, सांजिय जिनारबिआ 35 आरों 37



मिनिटआव गल सोनानै हान्जाखौ देरहासार खालामो। जेब्ला 45 मिनिटआवनो गल 5 सोनो हायो अब्ला बयबो मिथिखासिगो हान्जाया गोख्रों फुटबल गेलेदों होन्नानै रबार्ट लिभनडेस्कोआ फोरमायो। बेयार्न लेभारकुसेननि हँथायै गर्से

गल सोनो हानायनि गेजेरजों गासै 9 गलजों गल सोनार्यनि फारिलाइआव लिभनडेस्कोआ जुथायै आरल्लिं हालाडजों लोगोसे

सेथि मासिआव थानो हायो। नैथि हाफआव बेयार्न लेभारकुसेननि गेलेगिरि पिटार सेकआ गल सोनो हायो। मिउनिकनि गलकिपार मेनुएल निउर'आ बेयार्न लेभारकुसेननि गेलेगिरिफोरनि गल जोसन्नायखौ गोबां खेब होबथानो हादों मोन। बे देरहानायनि गेजेरजों बेयार्न मिउनिकआ खेब 8 मेचआव खेब 6 देरहानानै 19 पइन्ट लानानै सेथि मासि आरों बेयार्न लेभारकुसेनआ 8 मेचआव खेब 5 देरहानानै 16 पइन्ट लानानै थामर्थि मासिआव थानो हादों।

आइपिएलनि फ्रेन्चाइजी टीमजों रबि शाश्रित्रआ हाबा मावनो हागौ, बिक्रम राटरनि नोजोरआ गाहाय कच मासिनि सायाव

गोदान दिल्ली, 18 अक्टूबर: बिसिसिआइआ भारतर्यारि टीमनि गोदान गाहाय कच आरों मददगिरि स्टाफनि थाखाय आर'जलाइ गावनाय हाबाफारिखौ जागायबाय। गाहाय कचजों लोगोसे हान्जानि बेटिं, बलिं आरों फिलिडं कचनि थाखायबो आर'जलाइ गावनाय हाबाफारिखौ जागायो। गाहाय कचनि थाखाय आर'जलाइ गथायनायनि समखौ फेगो 26 अक्टूबर आरों गुबुन

मासिफोरनि थाखाय आर'जलाइ गथायनायनि सम सिमनाखौ फेगो 3 नभेम्बरसिम थि खालामनानै होबाय। गाहाय कच जानायनि बादायलायनायाव राहुल द्राविडनि मुडा बयनिबो सिगां जानानै दड। बिथानि अनगायैबो माखासे मुंदांखा गेलेगिरिफोरबो गाहाय कचनि महराव बिबान सामलायनो हास्थायो जायनि फारिलाइआव आथिखालनि बेटिं कच बिक्रम राटरनि मुडाबो दड। सुलुंनि बादिब्ला, बिक्रम राटरआ टीम इन्डियानि गाहाय कच बिबानजों लोगोसे बेटिं कच बिबाननि थाखायबो आर'जलाइ गथायनो हागौ। बिसिसिआइनि गासै कच मासिनि थाखाय आर'जलाइ गथायगिरिनि बैसोआ 60 बोसोरनि गाहायसिन जानांगो लोगोसे बिसिसिआइनि लेबेल-3 नि सार्टिफिकेट थानाय जानांगो। आथिखालनि गाहाय कच रबि शाश्रित्रआ फेगो मे

2022 आब 60 बोसोर आबुं जागोन आरों बलिं कच भरत अरुणआ फेगो डिसेम्बरआव 59 बोसोर आबुं जागोन। बेटिं कच राटरनि बैसोआ 52/53 बोसोर आरों फिलिडं कच आर श्रीधरनि बैसोआ 51 बोसोर। शाश्रित्रनि अनगायै आथिखालनि गुबुन सा 3 कचफोरबे मासिनि थाखाय गावसोरनि आर'जलाइखौ गथायनो हायोब्लाबो बिसोरनि गेजेरनिफ्राय राटरआव' गाहाय कच मासिजों लोगोसे बेटिं कचनिबो आर'जलाइ गथायगोन। शाश्रित्रआ आइपिएलआव मोनसे नडा मोनसे फ्रेन्चाइजी टीमजों लोगोआव हाबा मावनो हागौ। शाश्रित्र आरों आथिखालनि मददगिरि स्टाफनि हाबा मावनाय समआ टी-20 वर्ल्ड कापजों लोगोसे जोबसिगोन। सुलुंनि बादिब्ला, राहुल द्राविडआ टीम इन्डियानि गाहाय कचनि बिबानखौ सामलायनो थाखाय थियारि।

बोसोरनैनि उनाव महेन्द्र सिं धनीखौ भारतीय हान्जायाव मेन्टर महरै बाहागो लाहोबाय

गोदान दिल्ली, 18 अक्टूबर: टी-20 वर्ल्ड कापनि मेचआ जागायबाय। दिनें समबरखालि टीम इन्डियाआ इलेण्डनि हँथायै गावसोरनि गिबि रंगथिखौ दिन्थिफुंगो नाजागोन। मेचनि सिगांनो बिसिसिआइआ मावख 'यारि दुइतर एकाउन्टआव टीम इन्डियानि बारग' केप्टेन महेन्द्र सिं धनीनि गांनै सावगारि शोयार खालामनानै बिथांखौ हान्जायाव बरायो। बिथानि केप्टेन सामलायनायाव भारतआ गिबियै टी-20 वर्ल्ड कापनि बिमुंखौ गावसोरनि खालामनो हायो। आथिखालाव धनीखौ टीम इन्डियानि मेन्टर खालामबाय। बिथाडा आथिखालनि टीमजों लोगोसे हुदा खालामनायनि हाबाफारिआवबो फोथारआव बाहागो लायो। धनीजों लोगोसे टीमनि कच रबि शाश्रित्रखौबो हुदानि समाव नुनो मोनो। थानाय बावैसो सिगां धनीआ गावनि



के प्तेन सामलायनायजों आइपिएल 2021 नि थाखोआव चेन्नाइ सुपार किंसखौ 4 थि खेब बिमुं देरहाहोदों मोन। आइपिएल जोबनायनि उनावनो बिथाडा टीम इन्डियानि फिन बाहागोदारि जाफिनबाय। भारतनि बादायनाया गिबियावनो पाकिस्ताननि हँथायै फेगो 24 अक्टूबरआव जागायगोन। बेनि सिगां भारतआ मोननै गोख्रों टीम फारियै इलेण्ड आरों अस्ट्रेलियानि हँथायै बादायगोन। बिसोर मोननै मेचआव धनीआ गावनि

रंगथिजों गेलेनानै दिन्थिफुंगोन। पाकिस्ताननि हँथायै बादायनायनि सिगां टीमनिफ्राय गावसोरनि लोरबांथिखौ टीम इन्डियाआ सुख्रोंनो नाजागोन। वर्ल्ड काप टुर्नामेन्टनि थाखाय धनीखौ मेन्टर महरै बिबान होनायाव टीमनिफ्राय बादायलायनायाव मोजाडै दिन्थिफु'नो हागोननि मिर्जिथिदों। धनीआ 15 आगस्ट 2020 आब हारिमायारि क्रिकेट टिनिफ्राय आजिरा लादोंमोन।

इन्डियान वेल्स: नुरि, बाडसामोनहा मेच देरहाजेनबाय

वाशिंटन, 18 अक्टूबर: बिएनपि परिबास अपेननि फाइनाल मेचआव ब्रिटेननि के मरन नुरिआ निकलास बासिलासबिलिखौ 3-6, 6-4, 6-1 सटजों फेजेन्दों 2010 माइथायनि उनाव टप 25 नि बाइजोआव थानाय गिबि देरहागिरि जानो हायो। गुबुन फासै स्पेइनि पाउला बाडसाआ भिक्टरिया आजारेंकाखौ 7-6, 2-6, 7-6 सेटजों फेजेन्दों इन्डियान वेल्सनि थामथि आइजो देरहासारगिरि जानो हायो। नभाक दिजकभिक, राफेल नाडाल, रजार फेडेरर, नाअमी असाका आरों सेरेना उइलियाम्समोनहा इन्डियान वेल्सनि बादायलायनायाव बाहागो लायाखैमोन। करना भाइरासनि जाहोनाव बे टुर्नामेन्टआ नै खवसे बोसोरनि उनावसो खुंजादोंमोन। नै सपाह खुंजानाय बे बादायलायनायाव माखासे गोख्रों गेलेगिरि दानिल



मेदभेडेभ आरों के रलिना प्लिस्कभामोनहा जेन्नो गोनां जादोंमोन। नुरि आरों बाडसाआ इन्डियान वेल्सनि बिमुं देरहानायजों लोगोसे सानैबो 1.2 बिलियन रां खामायनो हायो। वर्ल्ड नम्बर 26 नुरि आरों वर्ल्ड नम्बर 36 बासिलासबिलिनि गेजेराव गेलेनाय बे मेचआव केमरन नुरिआ गिबि सेटआव जेन्दोंमोनब्लाबो उननि मोननै

सेटखौ नुरिआ देरहाफिनो हायो आरों इन्डियान वेल्सनि बिमुंखौ देरहानो हायो। पाउल' बाडसानि बेयो सेथि इन्डियान वेल्स बिमुं देरहासारनाय आरों सोलिफु बोसोरव बिथाडा नैथि बिमुं देरहायो। मेच जोबखानायनि उनाव के मरन नुरिआ बासिलासबिलिखौ सासे गोख्रों गेलेगिरि आरों बिथांखौ फेजेन्नाया गोब्राबमोन होन्नानै फोरमायो।

प्रिमियार लीग: टटेनहामआ निउकास्टलखौ 3-2 गलजों फेजेन्दों



लन्डन, 18 अक्टूबर: प्रिमियार लीगनि मोनसे मेचआव निउकास्टल इनाइटेडआ टटेनहामनि आखाइयाव 3-2 गलनि फारागथिजों जेन्दों। मेच जागायनायनि 107 सेकेन्ड उनावनो केलाम भिलसना गल सोनानै निउकास्टलखौ 1-0 गलाव आवगायहोनो हादोंमोन। बेनि उनाव टटेनहामनि गेलेगिरिफोर फारियै 17 मिनिटआव टनगुड नडमबेले, 22 मिनिटआव हेरि केन, 43 मिनिटआव सं हुं मिना गल सोनानै गिबि हाफआव 3-1 गलआव आवगायफिनो हायो। नैथि हाफआव निउकास्टलनि गेलेगिरि जन्व' सेलमीआ 83 थि मिनिटआव गल सोनो हाफिनबावोब्लाबो टटेमहामनि

आखाइयाव 2-3 गलनि फारागथिजों जेन्नो गोनां जायो। मख'नो गोनांदि, बे मेचआ 20 मिनिटनि थाखाय दोन्थ'नाय जादोंमोन, जेराव सासे फुटबल नायगिरिआ देहायारि जेनाजों भुगिनादोंमोन। प्रिमियार लीगनि बादायलायनायाव बेयो टटेनहामनि लाश्रियै नैथि खेब देरहासारनाय। टटेनहामआ बे देरहानायनि गेजेरजों खेब 8 गेलेनायाव खेब 5 देरहादों आरों खेब 3 जेन्नायजों 15 पइन्ट लानानै सेलसिनि 4 पइन्ट गाहायाव बाथि मासि आवग्रिनो हायो। निउकास्टलआ खेब 8 गेलेनायाव खेब 3 इ आरों खेब 5 जेन्नायनि गेजेरजों 5 पइन्ट लानानै फारिलाइनि 19 थि सारिआव थादों।

हारियारि कमेन्ट होनायनि दायाव क्रिकेटर युबराज सिंआ हमजानानै गफिनबाय

गोदान दिल्ली, 18 अक्टूबर: गोदलैसोनाय हरि (एससि) नि हँथायै लाजिफोनानाय कमेन्ट खालामनायनि दायाव क्रिकेटर युबराज सिंखौ पुलिसआ हमबाय। हारियाणानि हिसार जिल्लानि हानसि ओन्सोलनिफ्राय बिथांखौ हमदों। अब्लाबो बिथांखौ जामिनआव बेल खालामनाय जायो। बिथानि सायाव थानाय बोसोरव रहित शर्माजों लोगोसे लिभ साटआव युजबेन्द्र चहलनि हारिखौ लानानै लाजिफोनानायनि दाय जाबसिन्नाय जायो। हानसि पुलिसनि डिजिपि बिनद शंकरआ के सनि नायबिजिरनायनि सायाव बाहागोयारि खालामनायनि थांखिजों हमदों होन्नानै फोरमायदों। बिथांखौ सिगांबो खेबनै नायबिजिरनायाव बाहागोयारि खालामबाय। पुलिसआ हाइकर्टनि बिथोन बादिथै हाबा मावनायजों युबराजखौ फर्मेल बेल होनायनि गेजेरजों हगारफिनबाय। महामारि करना भाइरासनि थाखाय 2020 आब हादरआवनो

आबुडै लकडाउन होनाय जादोंमोन। बे समाव गेलेगिरिफोर भिडिअ शाटआव बाश्रा सावरायदोंमोन। बे समाव युबराजआ टीम इन्डियानि मुंदांखा बेटसमेन रहित शर्माजों सावरायज्जलायनाय समाव युजबेन्द्र सहलनि सायाव हारिखौ लानानै माखासे बाश्रा बुंदोंमोन। बिथांमोननि सावरायज्जलायनाया ससेल मिडियाफोराव खम समावनो भाइरेल जादोंमोन जेराव युबराज सिंनि हारिनि सुबुंफोरा जेबो हाबायावनो उदाय रोड होन्नानै बुंनायखौ रोखायै नुनो मोन्दोंमोन। मख'नो गोनांदि, चहलआ टिकटकआव गावनि मोसानायखौ आपलड खालामोमोन, खेखौ लानानैनो युबराजआ बेबादि कमेन्ट खालामदोंमोन। पुलिसनि बादिब्ला, फोरमान जथायनायनि थाखाय युबराजनि मबाइलखौ जब्द खालामबाय। हानसि पुलिसआ बे खेबआव युबराज सिंनि जानानै बिजिरसालिआव चालान दिन्थिगोन आरों बेनि उनाव युबराजआ बिजिरसालिनिफ्राय आइनारि राहायै जामिन मोनगोन।

ला लीगा: अनसु फातिनि मदतजों बार्सिलनाया भेलेन्सियाखौ 3-1 गलनि फारागआव फेजेन्दों

बार्सिलना, 18 अक्टूबर: लियनेल मेसिआ बार्सिलना हान्जानिप्रय जानगारनायनि उनाव लाइमोन गेलेगिरि अनसु फातिआ गावनि गोख्रों गेलेनायखौ दिन्थिनानै लियनेल मेसिनि मासिखौ लानो नाजादों। 18 बोसोर बैसोनि अनसुआ गोबां सम जोखोम जानायनि उनाव गिबि खेब भेलेन्सियानि हँथायै गेलेदों। बे मेचआव बार्सिलनानि गेलेगिरि अनसु फातिआ 13 मिनिटआव, मेमपिस डिपेआ 41 मिनिटआव फेनालिट गल, 85 मिनिटआव पिलिप कट्टिआ गल सोनो हादों। भेलेन्सियानि जानानै जस गयाआ गल सोनो हादोंमोन। बार्सिलनाया आगुनि मेचफोराव लोरबां गेलेनायजों भुगिनादों, बेनि गेजेरजों एट्लिटिक माद्रिद आरों सेम्पियन लीगनि मेचआव बेनपिकानि आखाइयाव 3-0 गलआव जेन्नो गोनां जादोंमोन। बार्सिलना हान्जाया आगुनि खेब 6 मेच गेलेनायाव मोनसेल' मेच देरहानो हादों। बार्सिलनाया सेम्पियन लीगनि इयुनिनि मेचखौ डायनाम' क्रियेबनि हँथायै बुधबारखालि गेलेगोन आरों सिजननि गिबि इल क्लासिक मेचखौ रियेल माद्रिदिनि हँथायै गेलेगोन। बार्सिलनानि



हँथायै जेन्नायनि उनाव भेलेन्सियाआ पइन्टनि फारिलाइयाव 9 थि मासिआव फेबाय। मख'जाथावदि,

बार्सिलनानि आगुनि माखासे मेचफोराव गोख्रों गेलेगिरि लियनेल मेसिनि आंखालखौ नुनो मोन्दों, जेराव ला लीगानि पइन्टनि

फारिलाइआव खेब 8 मेचआव खेबब्रे देरहानाय, खेब 3 इ आरों खेबसे जेन्नायजों 15 पइन्ट लानानै 7 थि मासिआवसो थानादों।

बड'लेण्ड गेलेन्ट मारटियार्स मेम'रियेल फुटबल सेम्पियनसिप

बेखेवजेन्नाय मेचखौ भक्तपारा रेभेन्जार एफसिआ 3-0 गलआव देरहादों

(दिनेंनि बेखेवजेन्नाय मेचखौ भक्तपारा रेभेन्जार एफसिआ 3-0 गलआव देरहादों) कलाइगाव, 18 अक्टूबर: भक्तपारा दखरा एबसुनि बान्जायनायाव खुंनाय बड'लेण्ड गेलेन्ट मारटियार्स मेम'रियेल फुटबल प्राइज मानी टूफी

सेम्पियनसिपनि गिबि बादायलायनायाव भक्तपारा रेभेन्जारआ मंगलदै स्पटि क्लाबखौ 3-0 गलनि फारागथियाव फेजेन्नानै भक्तपारा रेभेन्जारआ उननि राउण्डआव दावखोयो। मख'नो गोनांदि, गेलेजेन्नायनिफ्रायनो मोजां फर्मआव थानाय भक्तपारा एफसिआ गिबि

बादायलायनायाव भक्तपारा रेभेन्जारआ मंगलदै स्पटि क्लाबखौ 3-0 गलनि फारागथियाव फेजेन्नानै भक्तपारा रेभेन्जारआ उननि राउण्डआव दावखोयो। मख'नो गोनांदि, गेलेजेन्नायनिफ्रायनो मोजां फर्मआव थानाय भक्तपारा एफसिआ गिबि

हाफआव 2-0 गल सोनायनि उनाव नैथि हाफआव फिन गलसे सोबावनानै 3-0 गलनि फारागथियाव देरहानो हायो। बड'लेण्ड गेलेन्ट मारटियार्स मेम'रियेल फुटबल प्राइज मानी टूफी सेम्पियनसिपनि गिबि बादायलायनायाव बेखेवनानै होयो गेलेमु नेहाथारि गनेश

बसुमतारिआ आरों बे बादायलायनायावखौ सामब्लायो देबेन कुमार बर'आ। मख'नो गोनांदि 3 लाख रांनि बाजेटजों खुंनो लानाय बे सेम्पियनसिप फुटबल बादायलायनायाव जरखा बिबान रुजुन्दों मासिगिरि एबा एथलिट गल्ड मेडेलिस्ट कुन्जलता बर'आ।